



静思亭集

序目

索一

文集

赤松園書


三十七

和16
1993
/

早稻田大學附屬	
圖書館	
寄第一	
漢詩文	
第 435 號	
第 1 卷	
出帶許不外館書此	



和16
1393
1-2



靜思亭集序

曹子桓曰文以氣為主今海內作者
亡慮數十家不無工者大抵排比鋪
張取辦訖餽譬如借面吊喪即詩則
體物寄言類若唐人應制省試近世
和歌者流所謂題詠者方今文運日
隆詞人輩出繇失之弱非才之罪也

靜思亭集

序



內藤
藏書



舉世尚門地儒者為贅疣優游終身
於時無所輕重憤激忼慨之氣無作
乎中故其發乎言者不能不弔靡勢
使然也赤松國鬻為文有意而言意
盡而止不施彫琢生氣矯、詩簡遠
玄著無斧鑿痕此今人所難也始惟
時未見國鬻讀國鬻文想見其為人



及見國鬻其簡易坦率為無町畦開
口見肝膽繇之其文也國鬻處西海
惟時處東海無幾相見每有索居之
感披其文如覩其面聽其言也豈不
儼然關西一名家哉國鬻為赤穗文
學有年赤穗侯好學數問以國家大
計裨益與為多焉諸大夫國又皆有

所矜式國鸞意未嘗以一日自得年
踰四十則謝病疾強起之遂稱病篤
去自放山澤間以為士之仕必也盡
行其所學而後無恥為儒矣不然抱
閨擊柝可也今世非儒者進取之時
也其設心如是終未嘗以語人無已
發之文辭者於答友人書一二見之

矣。是其所負氣比諸世儒下帷授徒
務滕口說為重精計幸一得文學掌
故從容辭令甘心為人主倡優畜與
巫醫祝史為伍意氣揚、甚自得也
覩然不恥武人俗吏所揶揄者不可
同年而語矣。宜乎文以氣勝異乎今
世諸家之撰也。國鸞為文不自重文

多軼最後其子勲輯而錄之得若干
卷名曰滄州先生靜思亭集惟時遊
國鬻父子間歡甚為作集序
明和己丑六月丁巳

龜山 松崎惟時撰



靜思亭集叙

仲尼曰言以足志文以
足而不可離也志以
之無文行而不遠善那
切之難能之難也不可
然乎亦今文明作者不
乏家藏明月人握靈蛇

而狗名競豕意竭不給託
事飾辭剽竊摹擬繁得
敷行俠人勇力以為威強
因人之聲乞以為美艷如
強怒雖嚴不威強哭雖悲
不衰其聲雖可觀亦猶冠
玉耳耳中未必有也詩發於

思者如情委書中而形亦
之情豈可役侮今鋪錦
而練彫殘滿紙何比初發
其美乎自然可盡情之不
真言將安得若乃有志必
分無易不強云必文辭而
不華典實雅正不務多

以買名聲於世所樹
立有在於是吾國鸞仕
赤穗藩二十年如以爲
生來與我輩善其人間
默謙虛學博行修詩文
如所志溫雅君子也年未
五十祕病而老後園築

靜思齋絕客而隱之唯
讀書樂古優游自適興
致肯至畿內外諸州撰
勝殆遍多其子勲字大業
藝爲文學侍讀其世子于
東教六之我輩躋嘗輯
國書所著詩文錄爲若

靜思齋集
序
三二
千卷將如剗剗乃以明同
臭味謁序一言今也文教
誕敷宇內操觚之士無不
切而汝有亦相國普書也
此集足以傳通邑大者
徒藏名山為且國書視
聽不衰氣力猶健沈沈羈

勒高山大澤唯其所
乃有鬼疑繫嶂滇漸水
漫為虛所鍾雲而交幻
可為所憐及風七秀羅
古憐今眺焉觀焉何能
無資於情耶必如誰
其於云不可得也


國書集之行於此
其嚆矢哉

明和己丑秋八月

宮田明撰



蓋高義書



靜思亭集序

文章之道古今難焉苟游斯藝者
孰不欲研精微猷被飾舊辭標幟
萬人之中特秀百世之後乎夫好
莠之言無不自口慮煩吻燥耗費
翰墨堙滅而沒骨之未寒其名已
朽矣悲夫今所見赫聿跼淫君子

脩劔峨冠炫燿都邑間。其文雅而善歌詩者。有幾。間有習歌詩。誦之則若拊缶。鳴々然。自無中和之潤響。其調艱澁。辭累於理。安有被之於簧絃。令聽者三嘆也。至若文辭則不少。概見焉。乃都人士。攘臂翰墨。間能解人之頤。其詩纖巧妖狡。

黠而傲。嚙於古人。其自視不下。頤國之美。誰見之。而弗趨避哉。又鄉曲之僂子。逐影響。於嘉隆諸才子之間。無可無不可。觀者不終簡而擲之。吾欲徧周旋。搢紳君子。得儻瑰瑋之才。揚扞文雅。而不可得。獨松崎君循。蓋莫逆於余云。播之

靜思齋集
松國鸞興伐木之響。嬰鳴余與君
脩之間。詩不語大曆以下。文稱東
京以上。其詩抒軸胸中。比興隨毫
所致。若駕齒決之駒。駸々執靶康
衢。至蟻垤而有脫銜者。君子不廢
千里之技也。其調固香色傳情而
流動。其語脫腐冗而往々欲吐人


之未警策者。狡黠徒讀之則歛襟
矣。及其病而致仕。放浪丘壑中。滄
淳氣奮揚齒吻間。莫不藹然。輕俊
豪蕩善抑。而充婉雅溫厚之旨焉。
若百圍之樹。挺然刺天也。虬龍之
條。孳且夭矯也。衆竅遇風雨怒號。
天地霾曠。咫尺弗辨。雨霽風止。則

衆竅爲虛。寂寥而無所聞也。衆人
盡蘊荆璧。家々共旣良驥。則天下
不貴珍與駿矣。而國鸞抱璧馬之
才。高視衆君子。即弗竢卞和之監。
而伯樂亡所加其調也。即不知者
睨而疑焉。豪哉。蓋逸也夫。國鸞有
子。能弗墜箕裘。而侍讀于藩。而有


寵焉。國鸞優游樂而卒歲。脫馬羈。
而大脩文辭。集而梓之。使余與君
脩序之。嗟夫。余名字不足以誇簡
首。暫以所窺。贈其子大業。從叟盛
事云爾。

明和庚寅春正月

南紀劉維翰撰



播陽平井惟和書



靜思亭文集序

余弱冠為宮津文學。請告在京師也。與芥老章武聖謨輩數人相款。未遑交四方士云。爾時余志方銳。居恒睥睨詞壇。潛期執牛耳。已何以藩府命管京邸事務。俗冗紛紜。日甚一日。自計志

業經成。乃絕意于墨。似吏自居焉。於是雖章章。不復往來。多四方士。無聞其名。至今寡文。職此之由。嘗以吏事抵官津。官津三上宗順。與余舊。為余說赤穗文學。澹州志松先生。文才俊邁。當今少儔。善宗順往養病。

但馬溫泉。其澆妙邂逅。遂據所謂同病相憐者。日夜以斯文相賑。宗順多質好學。其言可徵也。尋余又以吏事抵浪華。一日過葛子琴。座有二客。其一琴高推詩詞。一人查祜澆妙詩才卓逸。余已似吏自居。然而傷聽焉。須臾客去。余

問子琴。澹妙之詩若何。子琴曰。僕亦未
多觀焉。多以所聞。別其格堂。其音
錚。善祖宗高岑。軌轍李王。可稱
作家也。余寡交。雖不識澹州民。據二人
云。以觀一斑。且以欽想其人。厥后余脚
疾解職。尋復辭祿。幽居無事。再潤詞

壇。今茲夏四月。澹州東遊。遂訪余蓬
蒿。余已以二人之欽想其人。一旦倒屣
如舊相識。晤之半日。交已定矣。臨別授
一冊書。余曰。此吾生平詩文。見輩近謀
梓行。適逢相遇。幸請教言。余輒受而
讀焉。其首題曰。靜思亭文集。余昆掩

卷正禮曰。善哉其名書也。近時作者。文必曰秦漢。詩必曰唐明。孰不堂其格。錚其音。去乎。然而其命義布辭。法。見疵瑕。其能純粹者無幾。亦唯輕浮之習。不遑精擇耳。今多以無瑕疵。其唯靜思歟。涪州用之。乃名其亭。又

以名其集。日夜靜思。以詳采擇。奚以不減。乃卒業果純粹矣。余以中年廢業。故寡交。今而得伴人。胡厭幸也。因錄此語。以證締交之誼。且以應其需云。

明和辛卯冬十月

北海江邨綬撰



永忠原書



序

赤松君國鸞版其文集序者
數家又寄書以求予言國鸞
既以儒仕寵遇殊至集版之
舉蓋亦以其

君命去為之友者固當欣忭
稱讚焉若夫藝文之美諸序

青月
有厚赤松氏之先
天慶所系換冠冕而甲冑蓋
亦世稱鄉之雄豪至元建之
際風雲係會山陽八州莫之
與京三妙之射四殊之貴昭
穆所派姓氏所分三十六族
孫子不億迺予辱別所之胤


則予於國寧鄉同族目欣忭
更不在之集今版行其寸藻
親者自知稱讚能阿所好以
赤松氏貴盛於元建希士輩
出而并世如粟朱捨駿勇作
我關張去松氏以武顯者多
矣方今代同唐虞文風日昇

乃國寶以文顯矣予於斯集
蓋亦以占奎運益盛云
明知壬辰之喜

越國文學播磨清洵撰



岡部長啟書



滄州先生靜思亭集正編目錄

卷之一

五言古詩二十首

七言古詩十三首

卷之二

五言律詩八十九首

五言排律二首

卷之三

七言律詩九十三首

七言排律一首

卷之四

五言絕句三十首

卷之五

七言絕句一百四十首

卷之六

書十五首

卷之七

書十六首

卷之八

書十五首

卷之九

序六首

記二首

傳一首

卷之十

讀一首

說二首

贊八首

題跋五首

墓碣五首

祭文一首

雜著二首

滄州先生靜思亭集正編目錄

滄州先生靜思亭集正編卷之一

與子師普慈無與並人播磨赤松鴻國鸞著

豐惠育令悅贊知前而男勲大業輯

千五言古詩門人下山世幹子禮校

贈弟國寬

在家歡不足為客悲有餘奉親乏藜藿託久少音書

弟兄苦短褐鴻鴈迷大虛園有舊時花門無故人車

莫道狂蕩子行行去弊廬身對海上月心歸山中居

人情難久要。金盡交亦踈。秋至詠悲哉。時去嘆歸與。
家貧雖可憂。更無人踈予。不如乘秋風。携手摘園蔬。

哭冲士琳三首

予本倦遊士。爲客十餘年。性僻等倫少。薄俗日相煎。
子今奄忽去。誰復能相憐。

十年多病客。常抱杞國憂。憑子聊自慰。實屬身後求。
豈意有今日。雙淚滿面流。

與子宿昔歡。無復世人知。相屬百年夢。孤魂去何之。
已矣千秋事。非獨絕絃悲。

二川驛見乞兒善作鷄鳴

今古雖異時。同是鷄鳴客。彼自千金家。功名垂竹帛。
可憐一乞兒。不得飽糟覈。豈才與不才。王公殊往昔。
更知馮氏徒。或多在困厄。

祖岳師辱惠詩見賞豚兒賦此奉謝

生息免後絕。遺澤賴先人。從來衰薄族。豈生希世珍。
自是劉家子。素非孫氏親。今日猶舞象。他時或負薪。
因君推愛切。聊欲誇比隣。

夏夜同教音師准有志過淨專寺得十二侵

昏黑過山寺。閑庭夏木深。至夜轉蕭瑟。聊此濯煩襟。
徘徊香閣下。已聞漏聲沈。起向海天望。金波起遙岑。
清光無遠近。遍照祇樹林。淨理雖未悟。堪見不染心。
何當脫塵縛。俱聽世外音。

哭馬大夫四首

峨峨千丈松。凜凜一夜霜。上爲君王憂。下奈蒼生傷。
未盡澄清志。奄忽藏精光。昔賢歸黃泉。有人來吊言。
薰以香自燒。膏由明自煎。嗟哉在今日。君亦夭天年。

風流一朝盡。感慨千秋長。拊心悲吾道。揮淚檢遺章。
遺章多少辭。總是斷中腸。

縱有神理存。其如冥契亾。斤絃從此廢。拊心獨彷徨。
歔歔裁數字。心亂不成章。

秋日寄懷香國典

西山低戶牖。朝來爽氣浮。樹間時有聲。白露滿林頭。
感此清秋色。轉想丘壑幽。襟期若不違。曳藜賦同遊。
携兒勲歸省。井城道過龍。整寶幢。寺交歡。龍城
諸君臨別賦贈

海上老黃鶴。將雛翔故林。搏此北風烈。一擊過遙岑。
回顧林泉美。息羽龍山陰。龍山有蕭寺。支公惠愛深。
雖非凌霄姿。徘徊伴僊禽。遂感待遇厚。聊此發好音。
留連朝復暮。已見山月沈。為有舊巢在。強起向江潯。
同龍城諸君過石井氏宅分韻得秋字

獨客耽秋色。聊此賦遠遊。四山秋漸老。處處鴈聲愁。
徘徊伊水上。水烟落日浮。回首尋故舊。論心且淹留。
淹留知幾日。相携歷巒丘。行樂依勝景。洵美意優游。
遙望炊煙起。大廈倚林幽。浩歌至門首。主人不辭投。

置酒高堂上。慇懃結綢繆。可嘆相見晚。堪期再來求。
雲起龍山暗。雨添鸛渡流。猶將何限興。轉貪田園秋。

坂越寓居

余本中林士。無意履危機。誤作王門客。十年心期違。
不才難應世。濫吹事總非。豈可堪感愧。悵然返初衣。
舉手謝同侶。萬事遂異歸。肝膽為胡越。相視瘠與肥。
去遊江海上。結廬傍漁磯。翠烟低戶動。白鷗繞舍飛。
援毫題石壁。高枕眠巖扉。覺來推窓坐。征帆逐落暉。

坂越寓居歲晚作

一去江海上。遂與世人違。詩書從我好。富貴非所希。
曳藜出村巷。倚樹獨依依。朝看白雲起。暮見倦鳥歸。
釣叟相迎語。投竿坐石磯。不解人間事。但說鱖魚肥。
匆匆歲云暮。雨雪故霏霏。緼袍適身在。不復畏寒威。

感遇

嘗作王門客。十年感積薪。遂恐濫吹逐。去學獨往倫。
獨往稍適意。起卧大江濱。微祿豈可顧。樵漁足容身。
朝狎鷗與鷺。暮伴麀與麇。朝暮人境外。聊此守天真。

謹奉謝

世子辱賜瑤篇

湖海容高枕。實感恩波深。狂雖存故態。時動魏闕心。
令德輝朝野。文章映古今。西園想飛蓋。南皮思彈琴。
仰看青雲色。其如白髮侵。忽奉瓊瑤賜。明月滿空林。
十日同野才。介國子謙過。柳吉甫宅臨去賦。

謝

吾既在人間。半生爲棄物。感君惠愛深。聊此思剪紱。
杯酒資清談。詩賦洩憂鬱。雖闕千秋傳。堪伸一時屈。
歸來草堂夢。華館對方弗。

青松篇壽中村某

鬱鬱歲寒色。百尺秀中林。積雪看節操。清風發好音。
盤根留靈藥。茂枝棲仙禽。青青映白日。君子息其陰。
原自異群類。千歲永森森。

七言古詩

贈山生兄弟

山生兄弟從余遊。千古文章日相求。青天白日有如
此。大業不成死不休。家本寒素勞螢雪。十年一吐志
益烈。富貴名利不足論。周旋盡欲追先哲。俱說方今

文運開。海內豈少作賦才。請看紛紛多輕薄。更向聖
門失輿僮。兄弟彩筆故閑閑。蘭發玉暉不可攀。誰知
二子盛心事。不在區區文字間。

高富氏室津名族也。乃堂今年八十有七。其起
居飲食一如少壯時。為人溫柔甚好施予。顏所
居室曰清玉。幸得相見。作歌記之。

清玉主人清玉質。顏貌如花經幾春。感歎懇問長生
術。唯說生來汎愛人。汎愛何能得如此。汎愛真自足
養神。

馬大夫惠鳳仙花賦以奉謝

繁露如玉向初陽。深恩知曾映洞房。綠葉真奪青黛色。紅花元帶朱唇香。風吹嬌態更相媚。雨過啼痕猶自傷。恐爲他日戀主切。非復昔時漢宮粧。

松鶴篇爲劉文翼壽其叔父某翁七十初度

一植青松經幾年。飛來白鶴棲其顛。偃蓋常含五色煙。清聲時徹九臯天。歲寒靡不爾。或承翩翩菊裳與周旋。

歲晚自遣

長裾一爲王門客。短髮蕭蕭猶自適。書劍故帶風塵態。豈意文章供物役。富貴功名一羽毛。割雞不辭鼓牛刀。一杯濁酒一張琴。醉來悲歌興還深。莫道生涯長如此。故人已報具耒耜。

浪華訪友人片孝秩話舊

紅顏爾昔宦。帝京讀書萬卷薄。世榮一朝學成辭朋好。垂帷授徒浪華城。予亦綠鬢曾追隨。平安市上共游戲。離索十年王門客。拂衣今日來相悲。世態炎涼逐時變。我輩交情白日見。相逢且嘆鬢邊絲。可憐緜

袍一戀戀更有湖海豪骨存醉來意氣滿乾坤但恨
千里難命駕此心別後與誰論

口答劉文翼見寄

東方佳人絕代姿顧我雲錦寄西垂披緘清香散案
上五彩飛動光陸離西東路阻三千里不知浮沈經
幾時時去時來不得見悵然空感歲年移憶昔武陵
溪口花金盞玉壺醉君家歸來投竿寒江雪或隨樵
者伴麀麇誰憐憔悴漁樵間上國繁華無由攀

寄贈兼葭堂主人

素封爭倚大江濱美秀誰加處士文踪跡何妨隣市
井風流本自絕塵氛古情既傍梅花發高調還從蘆
葉聞揮筆文章飄彩色藏書萬卷延清芬兼葭堂裏
人如玉桃李蹊頭客似雲好待狂生乘興日銜盃把
臂盡慇懃

為前川松鄉壽乃翁七十

海天春色赤城霞相映朝朝滿君家俱說高堂仙客
在何求十洲三島遐昌容桂父不足羨綠髮紅顏豈
須鍊誰道避穀足長生乃翁健飯身愈輕還知閑宴

靜中集 正續卷之一
稱慶罷更乘春風問尚平

為石有文壽乃翁八十

石翁八十駐紅顏。不論種種鬢毛斑。園中栽樹供安閒。百尺蒼松有誰攀。但看雛鶴至三山。一鳴有時響人寰。金衣玉羽故閑閑。翁也相携日往還。可知名籍在仙班。

苦熱行

火雲如蓋生海天。日光何處不可畏。原野煌煌草欲枯。飛鳥戢翼獸喘氣。溫風如湯屋如蒸。冰丸飛雪有

誰饋芳饌不美酒不甘。枵腹欲向石局慰。流汗如珠體沸灼。一聲大叫幾發狂。几案覺煩帙散亂。頭時誦雲漢章。單簟難近扇懶握。北窓高卧絕微涼。仙掌何有二盃露。不信燕地飛白霜。更想梁園賦雪客。此時曳裾向何方。石窟難居寒溪遠。但當赤足濯滄浪。

寄岡孔彰

誰知奇才絕等倫。即今薄祿混風塵。文章時見青雲色。興至高歌調陽春。武昌城外食無魚。只自窓前惜三餘。人間失得豈足問。胸中已藏千卷書。論交中原

向士林。浩然自起小魯心。却恠湖海病懶者。千秋獨
感相知深。

奉教題翠霞樓

赤霞城上翠霞樓。樓頭風光接天浮。聚星曉臨南溟
散。群鴈暮從北極流。洲前白結蒹葭露。林端黃齊橘
抽秋。極目浮雲連鵬際。片帆望盡水悠悠。暮山霧消
雄風起。忽有神女弄玉遊。豈問楚宮巫山夢。且誦淮
南桂樹幽。更擬黃金臺上榮。在朝諸賢皆稱職。迴望
民屋富庶哉。可知艱難在稼穡。登臨每戒不危情。闔

境誰不仰盛德。

滄州先生靜思亭集正編卷之一終

靜思亭集

正編卷之二

七

Blank space with vertical lines for text.

滄州先生靜思亭集正編卷之二

播磨 赤松鴻國鸞 著

男 勲大業 輯

門人 山世幹子禮 校

五言律詩

感懷

無地容高枕。浮沈斗米間。未須嗟白髮。且自夢青山。
稍覺新知厚。偏疑故態閑。世情千萬變。幾度解予顏。

寄懷川處登

靜思亭集

正編卷之二

一

念昔在高陽。狂名作鴈行。呻吟非泣楚。憔悴似遊梁。
感物驚秋早。懷人苦夜長。知君携故侶。猶把舊時觴。

歲暮感懷

一作他鄉客。年年漫陸沈。微官時自失。多病日相侵。
流落千秋意。雄飛四海心。歲華看又盡。感慨欲沾襟。

宿山寺

漂泊投山寺。沈吟坐夜分。妙音無客解。清梵有誰聞。
燈火空林月。香煙斷壑雲。寄身塵外境。不復嘆離群。

詠懷

多病猶爲客。誰知亦避喧。浮沈並我意。榮辱兩君恩。
湖海窮交在。風塵遺跡存。自憐何限事。難與世交論。

呈默照禪師

祇園秋色滿。雨過氣蕭森。苦海百年濶。迷川萬里深。
適聽無生話。偏觀不住心。風塵期易誤。何日復登臨。

送直元珩遊平安

離筵秋已滿。眺望正相互。海濶征帆遠。天長落日遲。
磨關孤月冷。淡島旅禽悲。千里水雲色。蒼茫獨爾思。

病中感懷

往事東流水。寥寥無可尋。功名非不薄。意氣也何深。
萬里還家夢。百年爲客心。抱疴西牖下。秋色晝陰陰。
邨中卧病吾

公屢下存問。恩賜餅菓之屬。其於小臣分。蓋異
數也。感恩之餘。賦以示子。展平生

濫吹君所見。十歲曳長裾。豈羨穆生醴。何嗟馮氏魚。
方知恩遇厚。偏感性情疎。多病雖如此。猶當策蹇驢。
客懷

一作梁園客。心中萬事違。囊裏黃金盡。天邊白雪飛。

已知前路險。空覺昔時非。鄉關千里遠。歲暮此依依。

暮春同劉文翼田子善集秋文學邨舍酒酣文

翼吹笛得十二侵

客路春將晚。獨留餘興深。梅花飛席上。柳絮滿庭陰。
主接青雲色。賓操白雪音。追陪長若此。何用動歸心。

同秋文學劉處士飲田子善邨舍得深字

相見語難盡。挑燈坐夜深。青樽春酒滿。朱邨漏聲沈。
賦自看振玉。交偏期斷金。只愁分手後。此會幾時尋。

送田子善還東與

男子四方志。從來離別輕。樽前春色盡。馬上夏雲生。
期汝千秋業。投吾萬里程。俱嗟相見晚。分手寫中情。
同諸子飲平井君宅得十三元

一入清齋裏。俱忘暑與喧。高歌移白日。涼氣滿青尊。
可識主人厚。相看知己存。杯盤既狼藉。玄語到黃昏。

感懷得十一尤

憶昔青年日。四方期薄遊。一為梁苑客。常抱杞人憂。
寸心違萬事。獨坐恨千秋。還使同流俗。何論沈與浮。
次炎介暮春書懷韻却寄

客心驚物候。馬上夏雲浮。羨爾仍高枕。嗟身獨倚樓。
回頭鄉國遠。屈指歲年流。感慨無窮事。偏堪悲昔遊。
寒夜獨坐得韻灰

獨坐寒窓下。蕭然罷酒盃。雨過蓬戶濕。風度蕙門開。
林樹棲鴉起。江天落鴈哀。五更餘感慨。客思一悠哉。
奉寄兄挑溪于新宮

俱作異鄉客。嗟身更遠遊。南飛鴻鴈恨。北望弟兄憂。
歸夢迷滄海。離魂感素秋。何當雙慶宴。同醉故山頭。
七月十三夜嘯風樓對月二首

興至樓頭月。心驚客裏秋。不禁江海思。難擬剡溪舟。
漸動新涼氣。偏生故國憂。生涯何限事。無奈歲年流。
愛此江天月。相携倚小樓。清光浮樹杪。素影動城頭。
玉露凝難散。銀河淨欲流。通宵何限興。更忘客途憂。
從 駕歸藩過箱根

關山行不盡。風雨慎陪從。一徑松杉濕。千峯烟霧重。
巉巖驚卧虎。澗水聽吟龍。何日辭官去。優游任短筇。
五日駿州道中

午日猶爲客。旅情愈可傷。五絲長續命。萬里遠離鄉。

艾葉媚疎雨。榴花映夕陽。更憐雙燕子。相語集垂楊。
東關歸路伏見驛江端丈人來訪賦別

情深千里駕。心切十年期。嗟我風塵苦。喜君松柏姿。
但應悲失路。況且易臨岐。相見語難盡。如何忽別離。

中秋無月有感

有姊喪
服將除

總失開尊興。不關吟賞違。悲風搖桂樹。哀鴈過柴扉。
白露階庭冷。浮雲天漢微。終宵無一語。但有淚沾衣。
自井野歸路過井士坤宅呈其尊人養節翁
一入林園裏。高歌橘柚深。術傳三世妙。交結百年心。

坐對青尊盡。起看明月沈。清齋餘古色。無復俗氛侵。
得藪子厚平安書却寄

東關分袂後。相憶一難禁。忽得日邊信。還疑夢裏音。
文章為客進。意氣向誰深。無那風塵色。舊盟何處尋。

冬日送人

歲暮猶行役。其如風雪愁。寒烟浮獨樹。落日射長流。
立馬望天末。逢人問渡頭。千山從此去。好更賦春遊。

歲晚偶作

歲華看又盡。蕭索獨悲傷。衰鬢風塵裏。虛名燕雀傍。

文章餘感慨。世態識炎涼。王門漫作客。不復卜行藏。

冬夜旅懷

歲暮猶為客。風光且可傷。百年長落魄。中夜起彷徨。
魂斷天邊鴈。心寒鬢上霜。行逢春色至。何處容疎狂。

初夏同諸子遊嵯峨

客中春欲盡。携手得同遊。地僻餘花發。山連積翠浮。
羈禽迷列樹。垂柳送行舟。相對一尊酒。聊堪解旅愁。

夏日同諸客遊萬福寺

俱至清涼境。相看滌俗襟。天花疎雨散。夏木夕陰深。

同調人如玉。高堂地布金。猶餘佳興在。一任漏聲沈。
九日獨酌

獨坐幽齋裏。青樽唯自開。階前墜葉響。城外斷鴻哀。
幾處登高會。何人落帽才。黃花如有意。帶露傍蒿萊。

過岳禪師房賦贈

人間誰愛我方外。獨憐君狂態。常違俗交遊。已失群。
一時俱莫逆。千歲且論文。不識悠悠者。此心何處聞。
歲晚寄懷教岸師。予有明年遊瀉上。便道訪師。
之意。故末句及之。

歲暮倦遊客。何堪感慨深。人間悲失意。方外憶知音。
縱有天花散。豈無風雪侵。行逢春色至。且擬訪中林。

酬岡孔彰見寄

各自王門客。俱非得意人。濫竽從我拙。揮筆見君真。
千里存知己。尺書難接神。但憐同病色。不復混風塵。
歲晚送國寬還瀉上得賒字

可憐漂泊客。歲暮獨還家。江雨千山暗。人烟一片斜。
脊鴿飛曠野。鴻鴈落衰葭。分手情難盡。非關別路賒。

香國典夜過

世態日蕭索。文章得意難。無人知客恨。有酒盡交歡。
絲筆千秋色。青燈四壁寒。朱絃君莫顧。白雪向誰彈。

答劉文翼見寄

隔別三千里。交情咫尺看。綵毫君自焰。華髮我偏寒。
已厭風塵苦。况逢年月闌。何當江海上。携手理漁竿。

早春送別得八庚

海天春漸動。難那別離情。歸鴈衝寒起。垂楊拂露輕。
淡煙籠列樹。落日照孤城。芳草停鞭處。長堤匹馬鳴。

春夜諸子集子謙載酒得流字

興至茅堂裡。俱憐把燭遊。艸玄人漸老。問字客還稠。
已見千秋色。何論一世憂。交歡難數得。遮莫月明流。

贈別岡孔彰還東都

無那風塵裏。相逢忽別離。同遊曾幾日。後會且何時。
萬里情難盡。千秋心有期。男兒四方志。轉復易臨歧。

悼田生

生浪華人來學一年所得篤疾歸無幾卒

千里任逢迎。一朝殊死生。幾回嗟往事。何處問前盟。
終日淚難盡。通宵夢不成。孤燈明滅裏。鬢鬢誦書聲。

國典夜過

百年省若此。世態日悠悠。五斗從吾拙。三盃破爾愁。
折腰悲往事。屈指憶曾遊。感慨情難盡。窓前孤月浮。

竹飲

爲憐林下趣。移榻此君邊。興足三盃後。心清十尺前。
日斜浮翠色。風度引蒼烟。好待月明至。何妨一醉眠。
夏日同諸子過梵龍上人精舍賦贈上人

紺殿臨滄海。青山映赤城。清風繞閣至。白日傍樓傾。
忽忘人間熱。偏憐塵外情。吾曹喜幽賞。且莫厭逢迎。
聞諸子集兒氏宅走筆寄示

風流今夕會。滿坐有誰醒。浮白態堪想。談玄理可聽。
下匙餘玉膾。揮筆對金屏。光彩齊相映。猶憐少一星。
寶幢精舍逢股塾才介賦贈

逢君論故舊。感慨欲沾襟。方外風烟隔。人間歲月侵。
文章誰得意。山水是知音。相見紺園裏。堪嗟苦海深。

登寶幢寺

登臨香閣上。已屬年華闌。白日懸巖畔。蒼烟起樹端。
時聞鐘磬響。轉覺簪纓漫。四顧偏蕭索。天風鬢髮寒。

春盡有感

又逢春色盡。偏感昔時遊。夕客年年老。飛花處處愁。
風塵留短髮。世態付長流。起見新林綠。烟霞落日浮。

贈文翼

索居知幾歲。相見鬢毛疎。閱世風流盡。論交感慨餘。
文章君落魄。客路我躊躇。徒帶窮愁色。偏憐耽著書。

歸鴈 得齊韻

歸飛千萬里。烟雨幾回迷。山路背花去。江天向月啼。
朝朝衝薄霧。夜夜響空閨。借問春將盡。何時還舊棲。

送僧之平安

彌天秋不盡。飛錫白雲開。一片舟帆遠。千峯木葉催。
磨關明月苦。鍊嶺斷鴻哀。時有動詩思。禪餘好自裁。

春懷

幾歲倦遊客。復遭春色闌。懶兼芳草長。興逐落花寒。
白日凭樓盡。青山傍戶看。世紛真可厭。其奈去留難。

暮春郊行

江天春欲盡。林樹鳥爭啼。芳草埋人跡。飛花逐馬蹄。
翠烟滄海外。紅日赤城西。轉愛清幽境。任它歸路迷。

哭香生

不關秋節至。玉樹忽摧殘。蒲柳隨風動。蒹葭臨水寒。
豈圖同調色。更作異時看。兀兀已終日。何時涕淚乾。

春日偶題

講帷人已散。緩步向園中。曳杖呼兒女。脩籬課僕童。
遂忘雙鬢白。更對百花紅。咫尺怡顏足。敢論途路窮。

三日同諸子遊福泉寺

陰雨散滄海。丹霞惹艷陽。諸天春色滿。高閣漏聲長。
坐久心愈淨。酒酣花自香。不論脩禊會。俱在白雲鄉。

客中春盡

薄遊知幾日。歲序忽相違。臨水楊花散。迎風燕子飛。
鄉關何處是。物候各天微。回首千山外。春歸人未歸。

馬山悼館主人失偶

紅幃人忽去。芳草露空流。澗水咽危石。山雲覆故丘。
鳥啼春夢散。花落夕陽愁。猶想溫泉上。時從女伴遊。

中秋對月懷劉文翼

一望江城外。清光萬里長。金波浮鴈影。桂樹發天香。
即使開樽酒。其如轉屋梁。誰憐西海上。徹夜獨彷徨。

九日同山根前川二子經金川過江田某宅

佳節金川驛。高亭興不孤。舟船連遠岸。鴻鴈下平蕪。
傾蓋還如故。銜盃且極娛。咲看羈旅服。莫似佩茱萸。

別迂齋及乃姪某

淹留知幾日。秋色既摧殘。情感故人厚。衣忘客路寒。
龍鍾從此去。廓落向誰歡。回首風霜滿。何堪別後看。

次韻荅蓋以禮見寄

相思還幾日。坐見歲華移。江上蒹葭老。雪中松柏期。
浪遊從我好。疎節感君知。偃蹇慚違俗。達人安可追。

岡孔彰來過賦別

湖海誰相問。故人情實深。忽來千里駕。因見百年心。
世事文章遠。髮毛風雪侵。前期君自愛。後會恐難尋。

岡山過飲林子亮宅席上賦贈

微雨江城外。高亭秋氣深。浪遊從適意。客路感知音。
興至三盃酒。交清一片心。更期分袂後。雙鯉護浮沈。

越浦偶題二首

卜居江海上。獨往且登臨。潮湧浴紅日。霞飛逐翠禽。
危檣連咫尺。絕壁倚千尋。矯首天空豁。誰當語此心。
可憐幽僻地。無復世塵侵。孤嶋鴻音響。寒潭松影沈。

丹楓連屋後。白露下庭陰。漸感年華盡。轉堪傷寸心。
過姬路信宿國府寺某宅二首

四山春欲盡。看竹入園林。名族流風遠。新知交態深。
樽前憐旅服。客裏散塵襟。但恨迷津者。此盟難數尋。
到來春色裏。傾蓋轉相憐。喬木千秋古。高堂百世傳。
光陰頓逆旅。風雨且留連。遂感主人厚。還堪惜別筵。

過龜山訪松崎君修

文章浮世外。交態古情深。命駕來千里。銜盃寫寸心。
山河縱不邈。歲月轉相侵。況且經重別。能無淚滿襟。

重留別君修君修夏秋之交還東武云

春色千山老。流鶯不惜聲。思歸遊子意。傷別故人情。
握手知何日。銜盃慰此生。雙魚猶可賴。豈厭武昌城。

天竺冬日過華嶽寺

歲晏赤城陰。烟霞鎖寶林。適開三笑路。常響六時音。
交熟彌天色。談清避世心。佳期難屢得。遮莫漏聲沈。

送都思齋之東都

匹馬東遊客。才情最出群。芙蓉爭白雪。函嶺拂浮雲。
秋色關中滿。鴈聲天外聞。此時如有意。起見夕陽曛。

春日集柳士龍得一東

名園諸彥會。相視坐春風。鶯囀晴烟外。日斜深樹中。
恥將雙鬢白。還對百花紅。盃酒興無盡。清談夜不窮。

過興福寺

為貪林下趣。力疾叩禪扉。紫翠分山色。彩雲連海磯。
天花臨閣散。巢鳥傍人飛。況感遠公遇。忘疲遂忘歸。

同荻兄過飲橋兄樓上遲石川生至

可憐同調侶。把酒坐高樓。莫逆青山近。尋盟白水流。
翠烟連郭外。紅日落城頭。猶想車生至。偏能慰客愁。

過飲橋兄樓上

湖海漫遊客。高樓傍月明。漸忘浮世態。轉感故人情。
坐久青燈落。更闌白露生。踈狂期易誤。不用問前程。

諸子來過席上賦呈

拂衣來海上。日與白鷗親。霜鬢迎秋色。冰心寫故人。
潮生看進退。魚去識沈淪。無恙文章事。何妨載酒頻。

同諸子登石殿山賦時僧太常將有平安行

俱攀高閣上。不改哭窮途。傾蓋心如醉。銜盃興不孤。
旅情憐遠道。詩思滿平蕪。猶有後期在。秋風入

帝都

飲蓋以禮宅

愛此清齋色。回頭興不窮。龍山臨戶近。鷺嶺與園通。
交態風塵外。文章談笑中。佳期難數得。莫使酒盃空。
興福禪師房會龍門禪師自綱干至

法契幻塵外。相看雲水涯。浮盃滄海月。留錫赤城霞。
白足連秋色。玄談映雨花。淨因今適結。不問夕陽斜。
過姬路內海某賦贈

一路風塵外。江天蜀鳥啼。曳蘿過大縣。看竹入高齋。

傾蓋情還厚。臨岐意轉迷。明朝分手去。回首數峯西。

城崎客舍與宮津老醫三義從歡賦贈

寒衣秋欲盡。却擬浴沂遊。傾蓋憐同病。援毫慰淹留。
遂將分手恨。重結索居愁。雙鯉水雲遠。難論沈與浮。

新歲寄劉文翼

別來知幾日。山色獨相親。既感交情切。還驚物候新。
啼鶯深樹裏。歸鴈大江濱。起對梅花發。能無思故人。

東都邸舍送弟國寬歸鄉

出入如相避。往還俱有時。我來追鴈影。爾去負花期。

且帶塵埃色。况銜風木悲。莫將分手恨。徒受世人疑。

偶作

城市喧難避。卜居江上村。雲濤連咫尺。意氣滿乾坤。
萬物成吾有。孤心覺道存。還知憂與樂。曉日照潮痕。

寶幢寺呈諸君

紺園晴景好。相見傍清流。坐對禽魚樂。偏思濠濮遊。
隨風鐘磬響。映日雨花收。幽賞看如此。誰論人世憂。
送冲子晉之東都子晉於此役也有不懌然色
春風行役恨。孤鴈負花飛。朝雨湖天暗。夕烟關路微。

遠遊心少適。人世事多違。只去茫茫裏。誰知真是非。

寓居偶題

托興浮雲外。卜居滄海邊。似僧還有髮。如客既無錢。
身豈可求泰。天元不作全。拂衣知幾日。聊此得安眠。

五言排律

哭武聖謨

青山埋玉樹。白首失金蘭。挂劍悲吳札。脂車泣呂安。
天才千載少。人壽百年難。彩筆今何去。雄篇不可看。
中途盛業散。同調古情寒。草色行將宿。淚痕猶未乾。

秋日浴馬山溫泉遊善福寺

馬山秋欲盡。還擬浴沂遊。點瑟無同調。阮途傍急流。
誰披胡客膽。獨寫越人憂。移步過蕭寺。圍碁倚竹樓。
日斜輕靄點。鳥去雨花幽。便接遠林坐。遂非陶許儔。
勝緣雖易結。覺道竟難求。唯愛塵氛絕。聊堪慰滯留。

滄州先生靜思亭集正編卷之二終

滄州先生靜思亭集正編卷之三

播磨赤松鴻國鸞 著

男勲大業 輯

門人望山世幹子禮 校

七言律詩

登坂越圓通閣

紺殿高開赤水東。躋攀一望倚龍宮。無邊花雨諸天
外。不盡松濤萬壑中。觀世元悲迷幻境。憑欄更覺住
虛空。山光直接寒潮色。下界齊浮落日紅。

江上偶作
十月江頭霜色餘。行吟興盡獨躊躇。風生極浦蒹葭亂。雨散荒村橘柚疎。孤鴈雲邊寒羽翼。故人天外少音書。悵然四顧無相識。感慨唯堪嘆索居。

春日登松風臺

寶地高臺臨海開。林巒相映碧崔嵬。松濤忽逐春風起。花雨偏侵夕日來。潮湧諸天儼樂響。雲連孤嶋鳥音回。自憐濟勝堪吟賞。賦就還慚玄度才。

上馬大夫

一出東關屬望新。且知公室特恩親。三家誰比仲孫茂。千載人推樂子春。已有風雲榮社稷。豈無雨露潤生民。請看今古存亡跡。褒貶還歸將相身。

歲晚題平安旅館

天涯鴻鴈去何之。夜靜聲聲無斷時。旅館風寒傷往事。鄉關雪積負歸期。隣家笑語多新識。孤客周旋少舊知。况是飄零逢歲晚。破窓燈下不勝悲。

平安早春得家書悵然有感

憔悴逢春情且違。故山雪盡一鴻歸。天涯心事書中

青馬集 正統卷之三
滿。帝里風光愁裏微。此日紅顏迷客路。何時綠服侍庭闈。初知羈旅多年苦。獨有雙魚猶未非。

寄懷川處登

歸鴈春風滿洛城。故人腸斷兩三聲。中原不改浮雲色。萬里相看白雪情。爲客君常催感慨。還家我且送陰晴。可憐聚散渾無定。樽酒何時對月明。

寄懷宇士新先生

何物風塵牽利名。清狂玩世却多情。驚看北極青龍氣。愁聽南來白鴈聲。金盡人間悲季子。書成病裏憶

虞鄉。可憐年少真。叵賴四海猶勞求弟兄。

江上感懷

十年爲客別同袍。萬事無成感二毛。柳色遠含千里恨。鶯聲深慰寸心勞。不才幸得逢清世。微祿徒堪付濁醪。浪跡可憐江海外。天涯一望首空搔。

答宇士新先生見寄

伏枕春來心轉煩。爲君奮起百年龜。曲中白雪真難和。鏡裏清霜不可論。柳綠衙門悲客子。艸芳徑路念王孫。一時千載齊名意。豈獨離群滋淚痕。

冬日過山寺和藤自劬

醉來乘興叩禪扉。霜落千山木葉稀。地僻定知寒氣早。溪長遙聽水聲微。層崖路絕無人到。斷壑雲深有鳥飛。他日期君君自記。抽簪遂結薜蘿衣。

馬大夫見示華嶽昭公正福崑公二禪師作一

誦三嘆因賦一律寄二禪師

遯跡高僧精舍開。幾人能上雨花臺。俱傳白雪郢中調。兼競玄風江左才。玉樹遙臨滄海起。青雲近映赤城來。若容彭澤疎狂客。漉酒巾乾好一陪。

上馬大夫

遠望青雲尺素勞。愁看世態日滔滔。交情欲棄虞鄉印。客路堪憐范叔袍。十歲風塵心幾苦。三冬雨雪首空搔。更悲中散廣陵調。一向知音泣且操。

贈雷山道人

西溟萬里萬重山。多少水雲勞往還。飛錫青霄隨鶴影。浮盃碧浪對鷗閑。利名遠避風塵外。翰墨長留天地間。却恨江湖春色滿。飄然一去更難攀。

題天野生攀月樓

海上高樓倚晚天。登臨自覺出風煙。窓窺北極九重關。門泊東溟萬里船。潮至魚龍浮檻外。日斜鷗鷺亂沙邊。夜來忽有金波起。攀桂應須伴謫仙。

贈肥藩秋文學

海西文學近時隆。多士如林獨自雄。酒態俱知中散美。賦才誰比馬卿工。且裁梁苑翩然雪。更對蘭臺颯爾風。從駕遠來都邸下。高名已見滿關東。

同諸君遊少林精舍次藪子厚韻

躋攀一望絕塵氛。臺上清風花雨紛。俗跡到稀苔色

淨。玄談坐久漏聲分。明明燈火空林月。細細香煙斷壑雲。無限勝情信堪賞。醉來詩就不如君。

早秋送人得八庚

西風一夜客心驚。况復今朝送別情。已有清砧催旅恨。豈無孤鴈報秋聲。幾回倚劔看星象。何處登樓對月明。憐爾壯遊真不惡。莫將搖落嘆人生。

歲晚感懷

誰憐遊子獨躊躇。歲暮天涯感慨餘。萬里鄉關衣未達。十年客舍食無魚。蕭條寒色心偏苦。荏苒風光鬢

漸疎恨殺又逢春。景至愁顏仍舊曳長裾。

薩陀坂作

薩陀坂上倚層巒。多少征人回首看。九折龜驚山寂寂。孤帆目極水漫漫。海門潮起青天濕。富岳雲晴白雪寒。眺望縱堪銷旅恨。風塵無奈客途難。

荅岡保卿見寄

萬里秋聲雜海風。蒼波落日見孤鴻。文章豈問交遊外。世事從它醉夢中。自古德星難聚會。于今龍劍有雌雄。一時千載君休厭。安得人間臭味同。

寄懷劉文翼

歲暮天涯嘆索居。東關風物近何如。壯遊羨爾文章盛。多病耻吾交態踈。傾蓋堪憐燕市酒。論心豈厭武昌魚。興來雪裏能相憶。莫惜寒鴻一帛書。

同西成齋藪子厚遊靈山待澤子坤至此日雨
午後漸霽分韻得十灰時予歸期已迫

香閣遙臨鴨水開。諸天縹緲思悠哉。西山陰雨迎風散。北闕晴雲映日來。交態堪憐塵世遠。客遊無那別愁催。興酣猶怪車生後。詩就樽前首重回。

得劉文翼書却寄

索居偏感歲年催。烟霧忽披孤鴈迴。萬里波濤難命
駕。三春花柳奈銜盃。風塵自歎屠龍技。湖海誰憐繡
虎才。更憶劉郎有仙骨。它時或恐入天台。

答固孔彰見寄二首

相思幾度倚闌干。回首天邊秋色寒。帶雨片帆浮大
海。衝霜孤鴈過層巒。夢迷客裏畏途險。魂斷人間行
路難。豈獨百年憐失意。偏悲咫尺隔交歡。
搖落天涯偏憶君。臨風幾度嘆離羣。文川雙鯉通長

水。井野孤鴻迷晚雲。海上寒烟凝不散。斗間紫氣暗
難分。可憐同調還同病。携手何時出世氛。

同淮炎介過正福寺

層閣空堯臨海懸。相携此日出風煙。一聲過鴈千帆
外。數點棲烏獨樹前。山色銜寒連下界。潮音向暮響
諸天。興闌還入安禪室。滿坐清香更可憐。

香國典來過席上賦贈

十年鼓瑟立王門。千歲文章從爾論。揮筆才情搖海
嶽。銜盃意氣滿乾坤。一時俱失風雲會。雙鬢更驚霜

雪繁相見幾回空感慨。不禁浮世易銷魂。

賈韻荅孔彰見寄

高樓一別又逢春。忽感孤鴻落海濱。萬里紅顏爲異客。千秋白雪屬何人。玄經誦罷看山月。濁酒傾來混世塵。休嘆當時相見晚。索居今日與誰親。

壽侍醫冲生六十

赤城春色擬丹臺。開宴堪銜白玉盃。金液舊傳三世術。石脂何問十洲隈。霞裾時向王門去。芝蓋常從方外迴。况復杏林花正發。好迎僊客共徘徊。

送祖岳禪師之東都

萬里東遊開法筵。無端此地失周旋。諸天花散春風後。大海航浮夕日前。函嶺彩雲纏錫杖。芙蓉白雪入詩篇。知君到處饒高興。却恨相思隔紫烟。

室港送別藪子厚還熊本

去矣乘風萬里天。絲毫新接錦帆懸。登臺到日黃金滿。入國陽春白雪傳。四海論交遊旣廣。三年爲客學愈專。便知前路身名泰。惟恨相逢卽別筵。

重會龍城諸君子島田賦贈

青思齋集 正編卷之三
俱說風塵相見難。重遊此地罄交歡。城頭雲散星光
動。庭上霜飛夜色闌。意氣千秋還自吐。文章一代向
誰看。諸君永約朋來好。斯道人間終不寒。

答武聖謨見寄二首

交遊一自散玄亭。為客王門懶獨醒。誰道長裾誇授
簡。吾慚短髮老談經。風塵幾歲分雙劍。湖海何時問
聚星。多感因君論故舊。回頭轉復嘆浮萍。
一自衡門鎖薜蘿。無端歲月易蹉跎。避喧常隔青雲
路。高調時裁白雪歌。已識文章驚海內。行看玉帛到

山阿。丘園終作烟霞疾。如使蒼生違願何。

病中寄懷江拙齋

杜門謝客養衰躬。萬里空憐感慨同。懶向燈前書數
字。難臨江上逐孤鴻。千秋交態浮雲外。一片鄉心寒
雨中。病思不禁離索恨。天涯夜夜夢龜通。

冬夜國典子瑜來過

人間歲月易蹉跎。幾度相逢感物華。多病風塵餘短
髮。倦遊湖海想浮槎。鴈聲斜下三更月。霜色偏侵四
壁家。彩筆猶憐松柏志。春來好擬赤城霞。

同登觀音閣

宮堯飛閣逼諸天。携手登臨拂紫煙。檻外清風花雨散。海門落日錦帆懸。霧消萬里蜃樓出。潮起三山貝闕連。賦就醉來有餘興。白雲深處好談玄。

仲夏集柳氏園亭從主人請以壁上所掛吾

公誹諧歌句末哉字爲韻礎

園亭斜傍赤城開。霞彩常浮蒼隙來。移坐清風天外至。倚樓青嶂雨中迴。幽情堪詠淮南桂。醉態可思河朔才。誰道人間無樂事。相逢此處與悠哉。

仲夏同飲柳氏快哉樓

高樓一望隔風煙。詞客相携對綺筵。海色遠分疎雨外。山光直射夕陽前。賦成何問人。今古醉後難論酒。聖賢莫道吾曹狂。態甚悠悠世路有誰憐。

寄懷國士謙養病於寶幢寺

清風何處一銜盃。避暑知君倚法臺。炎熱忽隨花雨散。涼颼更拂彩烟來。溪邊樹密鳴蟬響。暮色天空飛鳥迴。多病不妨耽靜寂。勝情元自許生才。

秋夜尚友館贈巖敬甫木瑜公田子復

清風朗月此盤桓。濁酒枯魚聊盡歡。起望城頭雲慘淡。回看海畔斗闌干。文章俱許千秋業。交態誰憐四壁寒。莫道各懷何限感。人間長夜竟漫漫。

酬劉文翼見寄兼訊兒勲之作

昨夜天邊鴻鴈鳴。彩毫新映赤霞城。生平自嘆屠龍技。老大誰憐舐犢情。萬事總移衰世薄。一經偏屬故人明。千秋好比愁孤託。何恨黃金無滿籬。

次韻僧獅吼送別作

方外論交欲盡春。子規啼送大江濱。歸來明月遠真

境。老去秋風悲逐臣。幾度尋思傾蓋地。何時重問息言津。平生多病厭塵累。堪慕蓮華社裏人。

次韻伍子安送別作

一時傾蓋感同袍。臨別誰能解佩刀。千里交情宜煮鯉。百年世事付持螯。石城霧散孤帆遠。淡島禽鳴片月高。歸去抱關仍舊處。相思唯有夢龜勞。

次韻劉文翼送別作

把臂相看天地間。千秋意氣可難攀。誰言枚叔遊梁苑。自擬伯鸞過漢關。君許文章驚海內。吾期足跡遍

名山更憐一去萬餘里。再會何時復解顏。

哭西肥文學秋玉山二首

一別東關歲月遐。西溟萬里幾回嗟。當時曾識人如玉。何日還看筆著花。既恨精光歸海上。猶疑尺素滯天涯。不禁滿案千行淚。滴向江頭夕照斜。

其二

中原諸子昔追隨。交誼從君竟不疑。忽報青山埋玉樹。空留明月照秋帷。文章感慨終千古。酒態風流彼一時。欲向燈前看錦字。無端雙淚逐行垂。

酬宮劉崎三兄見賀予致仕兒勲襲職祿

多病年年倦宦情。還慚黃犢襲虛名。江湖自有釣魚適。培塿元無松柏生。心事天涯悲獨客。文章海內屬諸兄。更思何日東遊去。把臂林中尋舊盟。

得湯之祥書却寄

海上風煙入早春。索居偏感物華新。漁樵計熟悲幽獨。花月情深懷美人。尺素遙傳青眼轉。一樽但對白鷗親。相思日夕不相見。誰道天涯如比隣。

秋懷

秋色蕭蕭赤水隈。興來聊欲賦悲哉。自憐多病違梁苑。誰對雄風過楚臺。雲覆城頭孤月暗。煙凝江上斷鴻哀。長歌一曲無人聽。感極空銜濁酒盃。

次韻姪展來訪作

拂衣一自去江潯。堪擬冥鴻不可尋。萬事何論關得失。百年無意問浮沈。風霜遮莫催衰鬢。山水由來留賞音。况協池塘芳草夢。揮毫每慰老夫心。

寄懷孔彰

歲晚江湖嘆索居。倦遊詞客意何如。徒思雨雪扁舟

至。且恨風塵尺素疎。多病頻悲催短鬢。壯心還懶曳長裾。悵然獨往寒煙裏。春色期君訪弊廬。

次韻君脩喜予來訪之作以別

微君今日與誰歡。不厭山川跋涉難。惟恨當年勞乞暇。相思幾度問加餐。到來春色大江滿。歸去潮聲西海寒。仍舊索居千里遠。尺書期爾報平安。

和片孝秩惠韻以別

離索風塵歲月侵。相逢何事轉沾襟。一時星散千秋恨。兩地雲飛萬里心。老去人間交態薄。到來客裏感

青思亭集 正統卷之三
情深更期高興西遊日重聽青山流水音

寄湯之祥

中原才子昔相誇。當日盛名誰復加。四海文章多失意。百年世事總長嗟。斗間仍動青龍氣。筆下常開玉樹花。悵望天涯明月裏。併將清影映蒹葭。

同諸子避暑遊品川寺

精舍高臨滄海開。相携今日暫徘徊。飲追河朔諸賢會。賦動江南獨客哀。賈舶迷津青靄外。羈禽呼友白雲隈。只憐俱入遠公室。無復人間炎熱來。

酬大江釋圭見惠問佩集并佳篇二首

洛陽詞客日相聞。屈指誰人不說君。千里論交歌白雪。百年適意傍青雲。投來明月秋光滿。吹送清風海氣分。渺渺天涯空悵望。何時相見叙殷懃。

萬里江天秋色開。一聲孤鴈落蒿萊。揮毫忽報驚韓客。作賦何妨稱楚才。不向人間悲失路。猶從湖海問銜盃。可知交態風塵外。他日安辭御李回。

海上寓居五日

誰言避世在牆東。日夕風光思不窮。杜宇聲悲山雨

外。石榴花發海煙中。樓頭裁賦憐王粲。庶下貪閑依
伯通。憔悴適逢佳節至。獨醒還似楚臣同。

松鶴篇壽明石翁七秩應柳士龍請

特立青松鬱十尋。何來白鶴倚清陰。龍鱗未老浮佳
色。仙駕長留發好音。素羽飄風雲影動。翠柯映日雪
毛深。可知置酒名園裏。楚楚翩翩對盃簪。

寄五臺禪師

烟霞掛錫赤城山。坐愛千峯秋色還。顧我人間援彩
筆。從君方外解衰顏。三生幻境誰能記。一路空門獨

自攀。更待禪餘高興動。好來相對白鷗閑。

秋前一日答五臺師見寄

溽暑如蒸海氣侵。清風誰不想東林。火中元著青蓮
色。曲裏還懸白雪心。縱有明朝秋節至。何堪浮世業
塵深。只憐濟勝具猶在。藜杖當追金錫音。

寄孔彰兼懷保卿

春風一別對消鳧。爲報秋來獨閉門。敢擬穆生辭楚
國。且憐枚叔在梁園。劍光海內向誰見。心事天涯從
爾論。更憶懸壺同調侶。幾人時復問寒溫。

小亭成漫題

朱樓華屋競西東。小築誰憐寄市中。四壁好堪容病
客。一壺何敢托仙翁。蘆簾懸翠間庭草。蓬室絕塵過
戶風。但爲問奇諸子至。衡門時有世人通。

遊龍門寺時寺主力疾誦經賦此奉呈

海上禪林爽氣高。登臨自覺濯煩囂。諸天秋色迷花
雨。十地金光浮碧濤。濟勝猶餘玄度興。誦經偏想遠
公勞。津梁何限三千界。遍照從前一白毫。

將東遊過龍門寺會五臺師

自憐玄度逐林公。海上秋高倚梵宮。塔影斜從青靄
散。潮音直與白雲通。蜃樓忽現斜陽外。人世總歸罔
象中。休說勝遊終是幻。山川誰復可爭雄。

壽河文通太母百歲

高堂迎客壽筵開。自有流霞滿玉盃。便見兒孫連綺
席。還知名籍在丹臺。碧桃春發赤城裏。青鳥朝飛滄
海隈。此會人間誰得比。俱稱今日入蓬萊。

三日諸子來過得一東

烟霞春映赤城東。江上蕭然一畝宮。修禊還逢諸友

至。裁詩好擬永和風。踏青拾翠紅顏子。倚柳休花白髮翁。不識明年今日會。銜盃能得幾人同。

次韻蓋以禮見寄

慘淡風光江海秋。浮雲積水一悠悠。長天目極征帆遠。遙夜魂驚斷鴈愁。老去豈堪思魏闕。丹成且欲問滄洲。憐君多感逢搖落。裁賦偏悲王粲樓。

送河文通之東都二首

炎蒸朝發赤城標。此去東關萬里遙。琵琶湖上波瀾湧。玉笥山頭草木焦。客路豈無鄉夢結。君恩何有

旅。龜銷知爾倚鞍再回首。天晴富嶽一岵堯。

萬里憐君客路新。東關吾昔滯風塵。百年數口居難定。一日千金情易親。俱道張郎朝貴達。還聞李子暮沈淪。邨中猶有故交在。為說青山不負人。

答豐公瑜見寄二首

縹緲天涯嘆索居。煙波何處滯雙魚。文章知爾風流足。世路慚吾落魄孤。弊舍空懸徐穉榻。窮途難命呂安車。江湖縱闕加餐字。豈比人間交態踈。

可憐才子久漂零。誰識相逢雙眼青。泣血難明山下

璞論心欲合水中萍。文章海內殊今古。交態人間任
醉醒。興至彈琴能命駕。清流一曲為君聽。

和股野才介韻

茫茫秋色倚江天。交態相看積水前。嶋外雲低群鴈
下。海門風急片帆懸。探珠俱俯驪龍窟。回首空慚白
髮年。賦就知君餘感慨。人間此會有誰憐。

和國子謙韻

吹送春風江海濱。小園花鳥日相親。坐中縱令青樽
滿。鏡裏何如白髮新。今日人間誰適意。當年客路各

傷神。曾期命駕千餘里。咫尺豈論來往頻。

七月七日同諸子集荻生宅遇雨得四豪

忽為新涼感二毛。相携今日問同袍。赤城風雨搖秋
氣。丹竈烟霞傍濁醪。天上佳期偏易誤。人間盛會且
難遭。夜來好待浮雲散。乞巧樓前試彩毫。

酬劉文翼見寄兼示兒勲之作

門衰祿薄失通津。猶喜兒年堪負薪。翰墨豈期交長
者。琴書僅免屬他人。蕭蕭白髮兼心短。寂寂青山避
世真。獨有親知情不淺。回頭時復嘆沈淪。

得宮子亮書却寄

江左論文彼一時。歸來海上卧茅茨。孤舟空對蒹葭色。尺素仍看松柏姿。紙牘幾回愁遠道。銜盃何處問佳期。猶因踈懶存知己。還識深憐叔夜兒。

丁亥秋杪過浪華。訪故人寺崎法橋。會病不能即去。遂淹留養病。主人法橋厚意相遇。數日乃起。主人多子男女並佳。長女方十餘歲。姿色才藝浪華一時。閨秀蓋少其比焉。既感主人厚遇。且嘆令愛特秀。因賦一篇。難波江上蒹葭之美。

舉世所稱。故末句云爾。

難波江上故人家。盃酒相迎世路遐。老去猶存湖海氣。病來偏感鬢毛華。百年交態向君見。萬事盛心令我嗟。更爲杏林生玉樹。不論秋色滿蒹葭。

崎文毅新居宴集

華館玲瓏臨海開。白鷗日日共徘徊。銜盃自見忘機色。滿坐誰非避世才。憑檻且疑遊玉室。乘槎何問入蓬萊。潮聲轉響烟霞裏。豈識時無仙樂來。

秋夜泊浪華江

蒹葭秋老浪華城。城外風烟傷旅情。千戶寒砧人萬里。數行過鴈月三更。板橋霜落鬢邊冷。水閣燈殘岸畔明。孤客永懷愁不寢。更聞玉笛斷腸聲。

遊圓通閣過普門師房

一徑斜通青靄中。白雲縹緲梵王宮。千林樹色臨滄海。萬里潮聲響碧空。獨立懸崖當落日。狂歌絕壁倚清風。上方更有高僧在。端坐焚香遊六通。

中秋

縹緲江天對濁醪。西風雲散月輪高。連生玉樹千章

露。無數金鱗萬里濤。思婦閨中悲獨影。故人樓上感同袍。百年吟賞幾回得。一任清光照二毛。

三日諸子來過和五臺師韻

四壁烟霞滄海頭。相迎聊學永和遊。花開小徑黃鶯至。雲散長天麗日流。把酒不須擬金谷。褰裳直欲去瀛洲。重來如遇柴門閉。只向前灘問釣舟。

寄懷松崎君脩

此生何幸得同時。無那離居歲月移。長路關山燈下夢。各天風雨鬢邊絲。文章知爾擅江左。病懶慚吾臥

海涯敢惜尺書數行字。迢迢萬里鴈飛遲。

過興福寺禪師有聞余將至促之作見示次韻
呈之

一路斜開七寶林。烟霞日接赤城陰。解顏豈帶風塵色。洗耳堪聽山水音。花雨臺高懸彩筆。蓮華漏靜淨禪心。自憐多病耽閑寂。不讓交情支許深。

七夕雨同諸子集冲子晉宅

杏林秋色赤城隈。此日清樽迎客開。霞散江天空慘淡。雨過園樹轉崔嵬。雲間不辨仙槎去。山上難期鶴

駕來。縱使今宵星會阻。不妨我輩一銜盃。

謝山清誼惠紅梅花

平生多病易傷神。解悶由來籍故人。既覺寒煙消四壁。自憐芳艷傍單身。清光忽發化工早。醉色偏開粧樣新。非是江南千里信。牆東還報一枝春。

明和五歲戊子春二月同諸子遊龍城諸君相

邀集寶幢寺得雲字

蕭寺相逢玉水濱。清流自是絕塵氛。黃龍山下翠烟合。白馬臺邊花雨紛。誰道銜盃一日興。且憐揮筆千

秋文登臨偏覺非入境醉後仍疑坐碧雲

席上和石有文次韻麟公兼見示

一自狂歌出漢關徒期踪跡遍名山到來便感交情厚
老去偏憐心事閑方外好堪追白足人間何可駐紅顏
還愁明日重分手回首青山不可攀

龍城過藤文學宅同諸子賦

春遊興至拂塵氛回首江山風色分白鶴渡邊花似雪
黃龍城外客如雲相逢意氣感難盡獨往窮愁思不群
便是主人遂卜夜恥將霜髮廁星文

平安與諸子歡岩亮卿最相親賦此贈之

漂泊誰憐一老生論交春半客皇城看來芳草如爭色
到處黃鶯不惜聲故態猶存湖海氣新知還感緜袍情
期君他日能乘興把酒江樓對月明

七言排律

秋文學服處士携諸子枉過分韻得真

濁酒枯魚此會賓且憐交態脫風塵西關夫子等倫少
東海服家濟美新詞賦俱誇千載妙行藏各適一時真
論心相對盃中物講學總看席上珍不辨他年

隔朝野。可知今夕動星辰。從遊還喜諸君後。何必文章求古人。

滄州先生靜思亭集正編卷之三終

滄州先生靜思亭集正編卷之四

播磨 赤松鴻國鸞 著

男 勲大業 輯

門人 山世幹子禮 校

五言絕句

行路難

人言行路難。行路信自難。苟不由嶮路。何必行路難。

春眠

懶睡倚南窓。夢魂迷去路。黃鶯一聲響。髮髻鄉園樹。

夜雨

不知今夜雨。開落鄉園花。只驚孤客夢。通夕不還家。

聞子規

一聲響枕上。覺來不復啼。起向雲邊望。朧朧曉月低。

詠懷三首

旅橐黃金盡。歸心白髮生。猶餘孤劍在。夜夜匣中鳴。

其二

何物慰駒隙。床頭數卷書。客舍十年是。不復嘆無魚。

其三

窮途者如是。前路足可知。堪羨天際鴈。南去更何之。

月下美人影得陽韻

陽臺雨散後。明月照洞房。忽見翩翩色。但覺滿庭香。

題山水畫

上有青靄滿。下有碧潭深。幽人立不動。應為聽清音。

詠瀟湘八首節四首

瀟湘夜雨

日暮楚雲合。只聞秋竹鳴。曉來新水至。滿目洗沙清。

山市晴嵐

山色朝來好。人烟接翠微。日照千林樹。蒼蒼濕未晞。

漁村夕照

處處理漁網。相呼傍江濱。波間紅日落。滿目總金鱗。

平沙落鴈

嫋嫋西風裏。蒹葭含露青。連聲一群鴈。秋色滿洞庭。

春宮怨

上苑花如雪。深宮人似花。春風吹且盡。不識落誰家。

夏夜嘯風樓獨坐

為愛涼風至。高樓坐夜闌。月明千里色。相照片心寒。

竹飲得飛字

青樽泛翠色。白日轉霏微。不待清風至。自看竹葉飛。

半面美人得春字

繡戶半開處。清香惱殺人。可憐花一片。更勝滿林春。

擬三閭廟作

千秋難散恨。湘水一漫漫。悲風林木動。回顧夕陽寒。

三島驛

三島神仙境。如何屢往還。徒知鄉國遠。不見異人閒。

寄教巖上人

禪思亭集 王編卷之四 五

自從拂衣去。無復向人歡。時憶息心侶。誦經坐夜闌。

感懷

多病王門客。折腰見兒曹。矯首望堂上。痒極不得搔。

其二

痒極不得搔。一去脫瘡疥。聊復清虛質。轉堪悲老大。

其三

老大誠可悲。四十又加五。猶餘寸心在。恥與噲等伍。

其四

雖感恩賜厚。其如知己難。百年長若此。中心竟不安。

贈潤夫

留客書齋宿。秋風四壁寒。通宵一壺酒。猶作綈袍看。

弟妹一時相集有感

相見歡無極。如何雙淚垂。難禁風木感。露結兩三枝。

和勳也折園中柳條附一絕寄來

在越浦作

日長小園柳。寄示大江濱。可知環堵室。仍舊五株春。

題雙鶴圖

飛來雙白鶴。棲息幾千年。不向江皋去。一聲聞九天。

畫蘭

爭思亭集

三編卷之四

四

幽谷無入見。清風自去來。採為君子佩。貞操隨時開。

棲霞公子冬日高韻

高歌飄白雪。隨風響寒林。還知青雲上。郢曲至妙深。

滄州先生靜思亭集正編卷之四終

滄州先生靜思亭集正編卷之五

播磨 赤松鴻國鸞 著

男 勲大業 輯

門人 山世幹子禮 校

七言絕句

歲晚寄馬大夫

歲暮蕭條獨閉關。還憐多病世情閒。山公自熟菴生
懶。好向春風一解顏。

除夜

孤燈無焰易爲眠。夢裏愁心遠海天。一夜寒風吹不盡。空將憔悴入新年。

次祖岳師讀史見寄韻奉荅
垂釣江湖食有魚。曳裾王國出無車。不知舍長解何事。長鉞歸來惟憶家。

病起

病身扶杖立江頭。愁望天涯憶舊遊。總是無人知客恨。赤霞城外水悠悠。

照尊者歸自丹州賦此問之

大江山色白雲間。飛錫秋風探勝還。借問往時天棧路。歌成今日幾人攀。

哭宇士新先生

幾歲窮愁強自寬。誰憐長夜竟漫漫。獨餘石鏡山頭月。空映琵琶湖水寒。

觀潮坂

松間駐馬暫徘徊。渺渺南天黯不開。極目水雲俱一色。雷聲直送雪山來。

對花有感

今年花發去年枝。去年人。至今年。衰不識。明年花發日。幾人能不誤佳期。

壽越子龍

福地玲瓏碧海東。紅顏開宴對春風。素封長駐人間世。名在丹臺玉室中。

為滕惠叔壽太孺人

莫怪杏林珠樹花。由來橘井屬仙家。還看阿母堂前舞。彩服斑斕映彩霞。

昭君怨

一自紅顏誤此身。幾回空度上林春。在宮無見君王日。尚恨長為胡地人。

雪夜懷友

幽齋獨坐雪紛紛。叢桂吟來偏憶君。一片寒光凝不散。曉風吹夢度江濱。

送某生之南海

生善和歌

匹馬秋風逐鴈群。不妨歧路自紛紛。遙知明月南溟濶。歌浦清光獨爲君。

愛妾換劍分韻庚

三尺芙蓉二八情。紅顏何似白霜清。匣中自有龍吟
發。幾度驚回夢裏聲。

宇土侯畫蘭屬秋文學賜之謹賦一絕奉謝
中谷幽蘭人採稀。移來九畹有光輝。國香原自君家
車。散入春風畫裏飛。

暮春同劉文翼田子善集秋文學邸舍酒酣文
翼吹笛和子善韻兼呈文翼

君自燕王臺上來。偏欣附驥此追陪。樽前况有桓伊
笛。無限春風入落梅。

送國子謙還龍城

雨餘芳草日萋萋。綠柳紅花黃鳥啼。正是關山春色
遍。金鞭直指白雲西。

送秋文學歸西肥

樽前叩馬問行程。一曲離歌金石清。無奈匆匆分手
恨。千山萬水送君情。

駿州道中

無限雲山隔故鄉。淚痕猶自濕衣裳。長堤雨過松楸
冷。滿耳蟬聲送夕陽。

哭平生

裘馬翩翩逐管絃。醉花吟柳十餘年。不知今日遊何處。腸斷秋風薄暮烟。

贈淮有志

十年岐路共彷徨。多少論心感慨長。見說人間一場夢。生涯與汝付滄浪。

吊國典香生

由來病客傷秋情。况乃潘輿奄遠行。泣血化爲滿庭露。西風蕭瑟斷機聲。

同諸子分賦漢宮四時怨得秋怨韻春字

無奈年年秋色新。月明空照舊時人。愁看紅葉滿庭錦。何似昭陽宮裏春。

雪中懷友得六麻

城頭雪霽夕陽斜。坐愛枯林盡著花。一望皎然千萬里。不知何處是君家。

次藤和二子恭詠苑中雪唱和之韻

梁園晴雪赤城霞。光彩離披白玉砂。自有待臣堪授簡。賦成相映滿林花。

正統卷之五
五
聞秋文學泊室津賦此奉寄二首并序

客歲春余在東都與文學及田子善劉文翼輩詩酒歡會者數矣及初夏各散還藩今春文學復從侯東矣余則有藩中教授之役不得趣且室津與吾藩相去三十里而近乃欲往見而屬藩主東行期迫不得出竟外悵然乎失相見之期矣

海天西望五雲開。可識遙懸彩筆來。無奈風塵期易誤。赤霞城外獨徘徊。

其二

曾從上國感心知。回首風烟彼一時。悵望海天春欲暮。水雲何處寄相思。

寄祖岳師

細雨霏霏晝掩扉。無端心事日相違。可憐燕子垂楊下。不管陰晴自在飛。

次祖岳師見寄韻

豈獨人間知己稀。微君方外與誰歸。請看今古文章色。交態千秋唯是依。

哭平子賢

茫茫烟雨海天寒。載酒今朝何處歡。縱使脩文真足樂。尺書無路問加餐。

答國子謙秋日見寄時子謙丁失怙之憂

孤鴻遙下海雲端。悵望天涯秋色寒。最是悲風吹盡處。滿林霜葉不堪看。

寄祖岳師

赤霞城外白雲飛。依舊門前柳色微。一片冰心無所寫。悵然只待遠公歸。

少年行

自喜生來屬羽林。揚揚意氣轉千金。不愁邊地風霜苦。惱殺章臺楊柳深。

壽滕東閣七秩

陸沉幾載此徘徊。開宴又逢春色迴。仙骨風流誰得似。人間復見歲星才。

答祖岳師見寄

登廬昨日罄交歡。笑出山門薄暮寒。病客從來憔悴色。不妨人作攢眉看。

送岡孔彰從其君還東都
東關萬里百花飛。處處春風點客衣。行路如君真不
惡。歸途况復奉恩輝。

寄齊士良

東關春色定何如。愁殺天涯音信疎。才子人間多失
意。知君仍舊嘆無魚。

夏日偶成

遠遊幾歲此歸來。仍舊衡門五柳開。三徑蕭條無客
至。北窓高卧早涼迴。

秋夜病居贈島文翼

烟雲竹樹傍清羸。秋色人間過幾時。自笑平生多病
客。愁襟今夕爲君披。

嘯風樓望月有懷示淮有志

多病誰憐長陸沈。相迎今夕共登臨。請看萬里一輪
月。難照愁人獨夜心。

次韻殷野才介見贈

高興相携狂態同。敢論今日客途窮。且憐節後龍山
會。吹盡林間落帽風。

寶幢精舍邂逅藤子任賦贈

風塵幾歲失清歡。傾蓋還悲再會難。交態休論新與舊。相逢一作故人看。

雨後看月得寒字

薄暮長天倚檻看。朝來微雨散江干。一輪洗出東山上。無限清光六月寒。

採蓮曲

輕舟短棹逐香行。風動羅裳綠葉傾。人映紅花花映水。一聲歌發滿池清。

寄別孔彰

春風吹盡子規啼。我客東關君向西。今日相逢忽相別。海天仍舊夢魂迷。

訪隱者不遇

落葉紛紛覆馬蹄。衡門空閉白雲迷。欲逢童子迎相問。揮手直行溪水西。

春日與諸子遊橫澗坐未定忽有車牽不得已

還舍畢事再到

綠水青山道欲迷。滿蹊芳草故萋萋。重來不減桃源

趣愁殺林頭日已西。

吾世子方今齟齬書法大進辱恩賜數字驚
喜不勝恭賦一絕

聞說臨池日日新。妙齡彩筆已稱神。案頭忽有龍蛇
起。直接風雲落海濱。

吾公在國每至歲杪班賜侍臣寒衣今年恩
賜不及臣鴻戲賦一絕

歲暮寒光徹老身。舊袍弊盡不裁新。請看恩遇還無
薄。自似梁園雪裏人。

中秋有感 國典新喪

淒然夜色滿庭秋。冷露沾衣獨倚樓。唯有當時同調
感。白雲明月不堪愁。

哭寶幢上人

海色秋天共渺茫。聞君昨夜謝津梁。水雲唯有同遊
感。回首人間夢一場。

淺玄育來訪賦贈

誰憐踪跡與心違。嘆息人間萬事非。花落鳥啼春欲
暮。從君何日賦初衣。

春日病懷

百年歲月易蹉跎。况復三春病裏過。借問人間花盡
發。何如一夜客愁多。

夜雨小集遲巖敬甫不至戲賦寄

相逢落魄聊開樽。况復秋光老小園。借問江城風雨
夕。不知何處飯王孫。

訪祖岳師不遇

山門深鎖夕陽斜。春色空留牆上花。回望海天烟霧
裏。不知飛錫入誰家。

和劉文翼送別韻二首

落花啼鳥不勝多。春色如流客裏過。此去惟憐千里
邈。尺書不隔舊山河。

其二

離索天涯經幾秋。暫時握手不堪愁。爲言行役風塵
恨。空逐春江萬里流。

浪華寺崎醫生宅會三好生席上有詩次韻答
之

優游幾歲大江隈。濯足濯纓且弄盃。傾蓋偏嗟相見

晚論心好待月明來。

和韻答保卿

多病風塵勞往還。近來偏感鬢毛斑。猶憐瘦骨餘年在。乞去惟當卧北山。

偶懷

窮途幾歲負人情。當哭長歌金石清。一自青山歸路斷。白頭猶滯赤霞城。

同

十年鍛翮傍鷄群。徒擬養成翔白雲。今日唯餘雙鬢

似斜陽顧影步江濱。

甲申試毫

歸來丘壑入新年。便與人間隔翠烟。閑坐幽齋無一事。但聽籬外水涓涓。

壽主禮森大夫王母七秩

赤水城邊春色流。丹霞自傍壽筵浮。高堂堪擬天台路。何必神仙方外求。

馬山別二三同浴人

暮春春服馬山頭。傾蓋俱憐慰旅愁。無奈今朝分手

靜思齋集 正統卷之五 十一
恨何時重擬浴沂遊

鹿間次韻石川生見惠

春風躍馬出柴關。孟酒論交天地間。白首漫遊君莫笑。自期埋骨向青山。

荻士典宅遲令即歸

此遊何用哭途窮。把臂論心感慨同。好待阿戎歸到日。相携直入竹林中。

歲晚答人

誰憐不復嘆途窮。獨坐茅堂霜雪中。斗酒雙柑君自

具。相携明日醉春風。

將東遊道過高砂迂齋翁居相見歡甚不許即

去遂信宿

二月春風試遠遊。偶然一路傍清流。到來只覺迷僊境。源上桃花何處求。

平安巖敬甫有惠韻和以別

憐爾清狂混酒徒。無端獨嘆歲年徂。人間白日浮雲暗。醉後休投明月珠。

平安客舍送別田中生

雨散郊原芳草繁。落花啼鳥送王孫。相逢客裏還相別。何處春愁不斷魂。

浪華訪寺崎醫生

浪華江上簇烟霞。萬戶千門臨水涯。借問杏林春色好。兒童爭指伯休家。

馬山客舍

蕭條孤館絕逢迎。此地唯憐泉石清。花落鳥啼春寂寂。馬山風雨客中情。

東關歸路過遠州觀潮坂

幾度風塵重旅愁。觀潮坂上思悠悠。到來自覺生涯似。七百灘頭一片舟。

今井兼平墓

君臣分散此相逢。酣戰猶期生死從。永結英魂千載恨。粟津原上一株松。

岐岨道中

層巖深壑日登臨。還恨風塵鬢髮侵。烟雨茫茫山驛暗。回看匹馬下千尋。

謝田中徐行送余西歸惠剪綵花繫以佳篇

六月炎風百卉空。偏憐剪綵奪天工。相携獨客三千
里。却覺從君春色中。

戲賦謝主人惠鯪

在有馬作鯪介
一名千里光

長鍊平生客孟嘗。此遊幸得主人良。可憐無復無魚
嘆。別後遙懸千里光。

贈別潤夫

休論壯士別離愁。予也將尋汗漫遊。他日秋風若相
憶。鴻書遙寄鳳城頭。

其二

搖落千山客思寒。人間何處罄交歡。請看遊子悲秋
色。家隔番陽五百灘。

次韻橋生雨後登樓眺望作

雨過秋殘黃菊叢。登樓回望思無窮。一聲旅鴈斜陽
外。影落長江寒水中。

送國子晉之東都

客路東連關八州。壯遊豈可問離憂。天邊雪散芙蓉
曉。馬首雲生函嶺秋。

春日偶題

客至衡門鳥雀驚。春眠未足起相迎。坐來猶欲續殘夢。誤負江湖豪士聲。

送姪展遊平安

匹馬春風千里程。百花繚亂日相迎。客遊雖樂歸宜早。已有高堂白髮生。

春日喜國子謙至

海上春風花漸開。應門忽報故人來。相携林下求黃鳥。鼓吹詩腸勸一盃。

寄松尾醫生

幾歲懸壺城市間。丹成可羨駐紅顏。風塵休笑栖栖者。握手先嗟雙鬢斑。

寄國子謙

黃龍山畔丹楓散。赤水城邊白雪飛。悵望歲華看欲盡。期君乘興及春歸。

諸子來訪山生兄弟各有作率次韻

一自江湖絕世氛。人間消息屬諸君。蕭蕭鬢髮寒烟裏。投杖時追野鶴群。

右甲韻

獨往始知天地寬。風霜轉嘆鬢毛寒。故交猶有諸君

在幾度江頭植杖看。右乙韻

寄宮田子亮

播海風濤五百灘。扁舟仍舊一漁竿。得來時有金鱗美。偏想武昌城外歡。

哭柳士傑

春盡孤魂去不回。悵然起向海天哀。柴門時有淒風至。回首猶疑載酒來。

寄吊谷子莞

百年駒隙幾回歡。春盡杏林風色寒。一夜丹成人不

見。悵然獨向月中看。

松石二子至自龍野

浮世難期十日歡。文章交態索居寒。到來不改千秋色。誰作尋常盃酒看。

越浦五日

多病罷官華髮新。囊空每作獨醒人。即今自放江湖上。憔悴何妨似逐臣。

中秋前一夕諸子來訪同賦

朋來秋色入交歡。不厭茅堂四壁寒。縱有清光明夜

滿。何如今夕聚星看。

訪瀧子方病

自別人間歲月遐。赤城山下伴磨霞。忽聞病裏相思切。携贈天台一片霞。

自遣

自憐白眼世情寒。安得青樽十日歡。狼籍牀頭詩卷在。閑來獨向古人看。

聞松尾醫伯失內賦贈

永夜風寒悲斷鴻。曉窓夢散思無窮。玉壺丹藥依然

在。猶恨芳魂遊月中。

丁亥試毫

佳氣蔥蔥動海天。草堂也自入新年。都無一事關心曲。垢面蓬頭隱几眠。

留寓居主人

一去何妨隔海烟。五噫歌就重留連。門廡既託千秋色。爲護要離墓畔田。

同浴泉諸子遊今津江亭。凡爲浴泉至者總是
有疾人

青
俱憐病客此登臨。萍水相逢情却深。樂浦風光秋色
裡長烟一帶故園心。

岡孔彰摘予所寄絕句中平字爲韻礎作八首
見惠仍次韻奉答

白髮蕭蕭一老生。只憐千里問交情。屋梁殘月愁眠
裏。夢斷窓前聽曉鶯。

烟霞痼疾倚江城。老去何須牽利名。猶有當時豪骨
在。爲君慷慨一吞聲。

便有青山不負吾。其如白髮滿頭顛。請君自愛妙年

色。衆美總歸七尺軀。

一自春風吹別筵。橫生鄙吝已三年。誰知雙劍氣猶
在。夜夜衝星動各天。

一別風塵無會期。依然幽夢覺還疑。分明昨夜故人
至。俱探玄珠赤水涯。

千里音書尺鯉雙。風流無恙我心降。漸看秋氣起天
末。新鴈還期落大江。

仙才元合在清都。謫入人間落魄孤。千里猶憐狂客
在。時裁靈句寄江湖。

青思亭集 正德卷之五 十九
獨往江湖不上隣。誰憐形影自相親。千秋但爲存知己。離索天涯嘆幾春。

再次原詩韻

欲擬南陽諸葛廬。寂寥還似子雲居。誰憐豪骨仍多病。嘗向王門勞曳裾。

哭祖岳師

方外論交思不窮。人間處處說林公。悵然今日再回首。方外人間總作空。

馬山散步過清涼院與院主相見賦贈

涓涓澗水繞臺流。且濯塵襟散旅愁。更有林公憐病客。還慚濟勝竟無由。

遊岡山同諸君飲若林素一宅

客路風烟五月寒。到來今日罄交歡。披裘何問窮途色。還作林中把臂看。

馬山九日

客裏重陽天一涯。登臨誰復不思家。馬山難比龍山色。豈獨風流闕孟嘉。

馬山同諸子遊山水間諸子有歸路登酒樓台

侍浴女奴絃歌佐飲意。坂蓋載賦一絕末句云
欲向天台問女家。予次韻云爾。

溪頭回望夕陽斜。秋色千峯一片霞。還憶劉郎前度
興。不知何處是仙家。

馬山客中示同鄉人

滿目秋深傷客情。時聞孤雁斷腸聲。請看白馬山中
色。無復烟霞似赤城。

同川彌白東遊歸路過姬城訪國府寺某

處處山川日往還。名園秋色又來攀。吾曹踪跡君休

笑。多在丹崖綠樹間。

次韻子晉作

五柳蕭條春色遲。先生自笑鬢如絲。請看今日醉顏
赤。何似當年磬折時。

次子晉惠韻

春至衡門五柳斜。風光不隔滿貧家。更憐今日羊求
輩。談笑銜盃對晚霞。

同子謙才介登圓通閣

不盡天風江海秋。相携此日賦同遊。振衣翠壁千尋

色。濯足滄溟萬里流。

春夜同山清韻。冲子晉過荒君濯宅。

高亭相對赤城霞。孤月新林樹影斜。賦就樽前花盡
發。可知春色在君家。

漫遊至鹿間信宿菽兄宅值雨

非儒非佛不求仙。朝至名山暮大川。但爲故人能愛
我。縱無風雨亦留連。

題越中二郎盛次墓墓在但州城崎郡

斗膽曾稱壽永年。孤墳空鎖北溟烟。英魂如作天鵬

去。重見圖南搏九天。

中元

爲報空門慶月歡。家家盛供說孟蘭。還思餓鬼奉恩
日。猶有生民闕夕餐。

過國子謙宅同諸子賦

一自西山賦采薇。人間消息日相違。到來無限綈袍
感。論舊還堪沾客衣。

寄君脩

春風憶昔醉丹臺。今日青樽誰復開。千里相思難縮

地尺書猶自問仙才。

天橋

江海涼風欲盡秋。天橋綠樹翠烟收。扁舟興至無入識。身傍蓬萊山畔浮。

訪默師不值

白雲秋色上方幽。澗水斜浮落日流。不用山門題鳳字。悵然獨立虎溪頭。

秋日子謙才介來過

海天風色日蕭條。獨酌坐看來去潮。忽有故人能命

駕。三秋積思一時銷。

龍野金遂良至

僻性無端違世情。坐看日夕海雲生。衡門秋色誰相問。憐爾遠來尋舊盟。

中邨藥洲宅同諸子賦

湖海論交此一遭。銜盃先慰客中勞。諸君自在風塵外。休怪山人意氣豪。

為父保之義壽乃翁八十

杏林春色自仙家。佳氣滿庭珠樹花。紫府丹臺何處

是銜盃長醉赤城霞。

壽山本翁七十

海上春風入壽筵。碧桃花發傍堂前。赤城日夕烟霞裡。獨向人間結大年。

東都邸舍偶作

十歲江湖鬢漸疎。重來客舍食無魚。狂歌不用彈長鋏。矯首時看雲卷舒。

七夕渡天龍川

俱說佳期星會秋。還懸人世別離愁。天河不似天龍

水長載風塵客恨流。

鈴鹿山下訪黃梅禪師臨別賦

病客由來世味輕。不勞今日說三生。庭前栢樹蒼蒼色。還托天涯別後情。

寶幢寺和國子謙韻

流水青山傍寶林。寫來今日伯牙琴。休論浮世交情變。俱和千秋白雪吟。

寶幢寺席上聞吹笛有感。蓋余與先上人締交不淺。而上人示寂已十年矣。

仍舊香臺揖水傍。何人玉笛弄春光。一聲忽入山陽感。滿目鶯花總斷腸。

龍城留別諸君

相迎同調賦春遊。楊柳滿庭翠欲流。却恠青青前日色。朝來更繫別離愁。

欲別徒疑夢裏遊。無端春色似江流。落花芳草長堤上。回首千山夕日愁。

謝孔彰序拙稿

文章海內最相親。不惜投來彩筆新。還識千秋論定

日。英雄終屬捉刀人。

滄州先生靜思亭集正編卷之五終

靜思齋集 正編卷之六
所不能忘也。夫辟危即安。去難行易。人情之所同然也。然千載之後。名湮滅而不稱也。則烈士不為矣。身脫塵俗之外。英名傳於無窮。人情之所同欲也。然不可煩父母也。則孝子不為矣。僕雖不敏。亦嘗讀書。頗識去就之分。乃自以為與身潔志遂。而令父母悲歎於邑。不安寢食也。不如身污志抑。而令父母懽欣踊躍樂餘年之為孝也。不曰椎牛而祭墓。不如鷄豚之逮存乎。風木之感。枯魚之戚。其可不思乎。是以不佞居恒怏怏。有所不能忘。猶忘也。足下視僕。豈苟辟危

即安。去難行易。惴惴作兒女態。不復以身後榮辱為意者乎。乃忘也。不忘也。固足下所知也。即有所不能忘。猶忘也。豈不佞心乎。足下其察之。曩相約。必一遊播磨海瀕。便道以來。艸廬握手道故。厚矣。厚矣。處登足下。必勿不果。不佞敬懸榻以俟。

艸公輔

先是舍弟正。每自室津來。稱足下文雅。不容口矣。則不佞雖僻情。亦未嘗不欲一相見。叙傾蓋之情也。顧斗米累身。日困冗劇。竟外之交。跬步不能比之。足下

優游閑步無外物牽。則清塵濁泥。豈可同日談乎。茲始辱書。併佳論二道奉之。眷愛之深。雅顧之隆。一何至此乎。無亦以舍弟正辱下交。而推愛過與。所不恤邪。乃三復二論。深知足下立志甚高。大異乎流俗之撰矣。即如五行論中。以克為制。可謂善解。方技書中。所謂亢則害。承乃制等語。亦可以相徵也。所謂一先生者。不佞私竊知高意之所指。則不佞雖不敏。亦嘗謂夫一先生者。其為人果於自信。果於誣理。而好作新奇說。以取駭於俗觀者已。豈足與論天地陰陽之

至理哉。諸葛亮論發前人所未發。反復委折。無復餘蘊。可謂精矣。不佞聞之。第正足下本備藩甲族。有故投簪。則其質者文武。亦可知已。宜哉有此論也。重惟足下學博識明。著述日盛。從此以往。幸勿吝示及。三日。殘寒猶甚。伏以加衣自愛。

股野實甫

實甫足下。僕雖不敏。雅聞君家濟美之盛也。則未嘗不私竊欽慕之。而藩法嚴重。咫尺千里。不能超然一納從遊之歎也。乃徒延頸於邑而已。何意足下曩來

遊敝邑。忽接交歡數年。胸懷一朝面陳。所謂傾蓋而
故。一時邂逅。遂相爲千載心知。天從之願。可知已。既
得隴復望蜀。欲一侍尊公先生函丈。而親奉高誼。飽
聞雅言者。愈益不能已云。伏請足下趨庭餘閒。一致
此意。以爲先容。教僕他日。或有所請。而免逢按劍之
怒。實甫足下近狀何如。僕自仲秋至初冬。造物所困。
至今病瘳。始之以拙荆患痢。危險不可言。殆乎將鼓
盆而歌。終至奪我大川氏翁。而後止。造物於僕。亦少
恩哉。屬者稍得少閒。殊憶足下。安得一晤如昔日者。

哉。弊邑近有一奇事。可恠焉。可悲焉。可恥焉。可笑焉。
者。聊訟之。足下。敝邑有素封稱者五六輩。相與謀爲。
故淺野侯。臣大石氏等四十七士。建碑于華嶽寺中。
而其文。即貴藩學士藤江老君所撰也。僕也聞老君
之名久矣。乃謂老君者貴藩儒宗。非惟其耆德足稱。
若其文章。亦有可觀者矣。盥漱往而謹誦之。誦之未
半。不覺失笑。侏儻鳩舌。幾不可讀。亦徒我邦流俗文
之最卑下者也。則所見大異乎所聞矣。噫。老君而其
拙也如此。亦甚可恠焉。敝邑固鮮識字者。七論相與。

青島集 正編卷之六
謀爲此舉者。即無知不知。惟老君是推。莫爾僻邑。民無後秀。亦甚可悲焉。夫使堂堂義人大節。即無以碑者。尚可。而奈何使侏儻。舌不可讀之言。污之。且使識者。謂龍穗二都無人。亦甚可恥焉。老君強顏撰述。自許。不知其不可。亦甚可笑焉。惜哉。向使老君假尊公先生潤色而成之。豈惟義人之不朽。實老君之不朽也。敝邑有祖岳禪師者。禪餘善詩。且好文章。予甚相善。嘗相與語。偶及老君事。余乃戲謂。如彼碑者。將老君能使義人之名不朽乎。抑義人能傳老君之

於無窮也。師雖道人。亦自不堪。幾如子龍著縗幘。於船時狀。書辭放誕。言多貶刺。請笑而火之。

祖岳師

忽接慈教。因審起居。安靜。大慰渴望。伏惟春風和暢。山花與天花共散。鳥聲應鐘聲而響。無復一點俗紛。遮於青眸。欣羨欣羨。若不佞。則大異於是焉。始之新歲。稱賀。驅逐於俗禮中。次之。寡君有釣天之夢。夙夜在公。刀圭不去手。卒之。以扈從述職之命。則促裝拮据。亦甚憊矣。是以久失問候。非懶也。客歲辱臨之日。

青島集 正統卷之六 五
所面語。葉氏集。漸得卒業。託越生呈覽。即蒙補漏。諄諄教誨。不勝感荷。乃再按以附森田氏。而投劄。劄云。拙序惟識刊行。歲月耳。附覽請正。它面罄。

牛尾文倫

足下不以僕鄙陋。欲推而收諸藝苑。列才子林。喚醒懶睡。開除茅塞。教其孜孜不已。至遂成不朽一大業。交義之厚。忠告之至。其非足下誰能如此。僕雖不敏。殆色動心。飛然退而思之。僕也惰夫。即奉足下規誨。一旦有所省覺。亦唯駑蹇一驚已。豈能卓然立志。終

始如一。以報答足下望僕之盛意哉。其不能也必矣。非獨不能也。蓋亦不敢爲云。乃安能免自弃之誚於足下哉。抑亦有說。僕始年十四五時。兇強俠氣。好與人角。是非爭長短。一言合。披瀝肝膽。苟不合。奮然不顧。動輒至撫劍者數。且也居恒私竊謂大丈夫出世。一番宜作非常之事。成非常之名。斷不從鄉里奴輩。與艸木同朽矣。治亂數也。窮達命也。將相寧有種。願一觀光於上國。而不達則已。苟得志。幸遇太平之日。位百司之上。食五鼎。乘駟馬。赫赫揚揚。身名俱泰。或

青島集 正編卷之六
不幸及禍亂之日。任將帥之責。被堅執銳。進退三軍。東奔西走。沐雨櫛風。隕身摧首。亦所不敢避也。信哉。知子無如父。家大人嘗與家兄及族人相謀曰。兒也。性僻氣銳。志大識暗。使彼在入間。恐不得全終。不若使從浮屠氏也。假令不得正法眼藏。猶可無後患焉。乃命就書寫山岡松院而剃度。僕大窘。固辭不許。至叩頭流血。而後得不往焉。大人再與兄及族人謀曰。彼既不肯為僧。不若教學醫以作生活計也。即遊四方仕諸侯。以此技進。其榮與辱亦既有限。庶其免矣。

於是更命日夜誦軒岐家言而無怠焉。僕雖駑鈍亦頗強記。既能誦詩書及古文。詩賦數百篇。然若方技書亦所甚不好也。雖則所甚不好乎。父命不可數違。乃不得已。時時取素難及仲景東垣等書。以考究之。粗通大義。然已大負夙志。居常怏怏不欲以此處世。而頗知名。教之可重。而懼陷不孝之罪。則至元文已未之春。遂不得已奉本藩之命。以學醫於平安。蓋亦父兄及族人百計所致。而私心所不屑也。雖然業已如是。不可如之何。則就一二名于醫。及稱醫學家者。

問業一年所矣。而七論名于醫者。即稱醫學專門者。亦若而人。實無所益焉。於是日取經傳諸書而研尋之。一日獲仁齋祖徠二君業以讀之。讀之數日。乃謂有是哉。君子之爲也。古人有言。太上立德。其次立功。其次立言。如德與功不可企及。言豈不立。若二君者。可謂立言之大者矣。然而人心如面。所見各異。安知二君之言皆能不悖經旨。而予之所見無一二可取哉。亦當言所見以立於世焉。爾後愈益力學。頗有所得。而後從處士近江宇先生遊。先生固儼然名家。而

意不可一世。與予傾蓋而故。相與切磋。乃欲他日有大成以施乎海內。傳乎後世云。獨奈藩命有限。居歲餘。辭還本藩。還則不免攜一藥囊。從待醫之後矣。無幾。先生易箦。不佞之悲可知已。爾來十有餘年于此矣。日夜奔走。唯病魔是驅。加以扈述職。往還東都。營營役役。莫莫紛紛。噫。亦勞矣。雖勢之必然。甚矣予之衰也。昔時豪爽之態。今無一存者。豈不悲哉。顧有爲之士。有志不果者。亦多如是。非獨僕與足下也。是可爲相慰焉。雖然。足下才高年少。且無斗米之纏身。

青思齋集 上卷之二
尚_レ有_レ他日之可期。請無墜志。僕今年已三十有六。幸
有_レ一息已及志學。庶幾待彼成立之日。僕乃得全首
領放歸。艸塋而後。尋山逐水。嘯月吟花。以樂暮年而
已。是謂不佞之志。是即所謂非獨不能也。亦所不敢
爲也。足下其諒焉。來諭所云梁固二儒及香川氏各
有所著述。而師表乎海內。非謗劣如予者所敢當。若
夫持論亦各有所見。未必無所間然。寄示佳篇。可謂
高調。亦足以見豪氣未除矣。拙作附覽。餘俟晤時而
盡。

祖岳師

伏讀手教。恍如奉顏色。時維窮冬。沍寒墮指。蕭然客
舍。卒覺春色至。乃至報賤累安。及諭曰。借齒頰請田
生一事。諄諄教示。情踰骨肉。僕之不敏。何以蒙大善
知識之不遺。一至于斯也。至感至感。方今東都文學
之盛。海內無比。而秋服二家。實有如諭。至於過賞不
佞。與諸名家並稱。徒加愧赧。何以堪焉。奉別以來。冗
劇仍舊。加之風土之異。邸舍之陋。動輒惱人。歸思頗
切。頭風數發。伏枕累日。爵非執珪。情切壯紉。自

秋徂冬。無聊倍甚。於是乎私竊謂。人生貴適意。何爲甚自苦。幸及瓜期。竣役還藩。乃乞骸骨。去賣藥江湖。苟使妻子免飢寒。則足矣。何爲徒貪斗米。長與奄豎伍哉。既獻歲發春。藩主有命。擢職文學。稍加禮待。不佞雖僻情乎。不得不_一彈弊冠。少荅藩主設醴意矣。然而彈缺悲歌。無魚無車。猶尚如故。則使傍人笑壯士無顏色。亦可知已。此唯塵累。非所宜陳。說左右。然師之愛我。不得以不告。所諭伊氏之廢實多。貸恩不滿入意。設令申韓治之。豈能免赤族乎。顧在師法。

中亦當墮無間獄中矣。此雖自吾藩在宥之治。然有事不可不諱者。尺布斗粟之謠。非獨漢文而後可作。則從末減。蓋有出於不得已者矣。閱牆御務。師其察焉。承諭臺雲和尚法體安健。葺修之舉。經營不怠。不佞聞之。津田氏邑民感和尚之大德。幾致子來之稱。可不謂盛矣哉。請復煩師。一致意。局務蝟集。稽報至今。幸寬恕焉。春初猶寒。千萬保愛。

秋玉山

昨奉教之餘。重蒙投轄。辱愛之深。不知所謝。至於奉

宇。士侯畫蘭之惠。即侯文雅。餘歡溢及匪人。所不必
問。亦唯先生愛顧之隆。實使然也。微賤外臣。蒙如此
榮。可謂大貺。可勝謝哉。乃私竊謂。分當速詣。即中候
有司下執事。而敬陳奉謝意。既而又謂。微賤外臣。一
旦奉恩幸。直趨即下。冒瀆嚴聽。不恭之罪。其謂之何。
不如萬唯先生焉。憑謹賦一絕。聊寓奉謝意。欲請先
生正。而後淨寫。再煩先生以瀆電覽。先生其幸。斧削
之。聞當今諸侯。詩賦文章之盛。無若大藩君侯。與宇
士侯。雖都下諸才子。而不能過也。則如僕下里巴調。

豈可陳之君侯前乎。亦持布鼓於雷門耳。要使君侯
一咲則足矣。日所約日。沒里及牛門遊。不知卜何日。
伏俟佳期。亦惟先生有示。

岡孔彰

分袂以來。塵冗仍舊。猶未遑修。隻字以候起居。秋氣
漸深。馳情正切。忽辱惠書及詩。恍如會面。喜愧交集。
讀至於過。稱不佞樹風聲於一方。儀式西播。則不佞
雖厚顏乎。亦未嘗不赧然汗浹背也。噫。孔彰足下。是
何言也。不佞才短學淺。鈍刀終無一割之用。固矣。即

在敝邑承乏文學亦唯在弄臣之末而備顧問耳豈
可比數世之高才碩德顯用一時使夫人企羨不止
者哉乃謂之鴟鴞甘腐鼠鷓鴣安一枝而可乎抑亦
分之宜也雖然不佞性僻胸中有氣不能復閣然媚
于世也則雖狂愚亦自知終以此廢唯恐遺辱愛如
足下者憂也承諭敝邑有孺子可教者乎滿城子弟
多非不肖子能守其家法則厲之人雖不欲其類已
而不可如之何矣劉景升兒比屋可封也足下其察
焉市中少羊有一二逐不佞之臭者而朝夕與豚犬

勲也偕弄筆硯不佞乃以此少慰駒隙云寄示佳篇
可謂絕調七言彷彿滄溟五言悲壯使人三嘆見惠
十絕亦連璧哉不顧蕪陋次韻奉荅外近作數首附
覽

岡保卿

初夏握別忽又深秋隙駒不留會面無由塵事控惚
不修片楮徒勞遐想濶焉至今疎懶之甚其謂之何
忽接華翰併奉佳篇存念之深不知所謝承問近狀
對諭赧然辱愛之至豈敢妄言保卿足下幸勿妄聽

鴻也不敏。奉職無狀。自別之日。以至今日。埤益從事。不遑寧處。加以狂愚。不爲人悅。手忙脚亂。僅免飢寒。來諭所謂。輔佐君侯。撫育邑民。揖讓絃歌。善已及人。不知何言。使人茫然。豚犬勲也。謬蒙褒賞。實劉家兒。非孫氏子。幸知讀書。不混俗耳。樸樸小子。何辱盛稱。牛蹠之岑。無尺之鯉。塊阜之山。無丈之才。乃非兒罪。亦僕之過。保卿足下。才思日殷。瓊瑤之贈。案頭光輝。謹賡惠韻。聊酬來美。卽勉效顰。已恥形穢。時維九月。霜露已深。加衣加餐。頓候保愛。

大川上人

一接親坐。卽蒙垂青。親耳碧雲。飽口甘露。義鞭旣倦。毫光嗣輝。今而思之。幾鈞天之夢哉。鴻也一愚俗。雖實因秋文學先容。而非上人之德之大。其何以辱不棄一至干此也。無亦非有宿因緣者乎。奉違之後。卽發卽舍。間不容日。以故不得復扣山門。奉謝尊愛。負罪不少。遺憾可道哉。乃五月旣望。到藩稅駕。二十二日。肥後。疾泊舟於敝邑之港。不佞則携斗酒訪秋文學。遂復罄半夜之歡。於逆旅而別。爾時相語。亦未嘗

不及少林精舍也。近得藪子厚平安書。亦嘗道及精舍昔日之歡。則益不勝神馳魂蕩矣。鴻不佞塵事鞅掌。唯日不足。遙望海東雲。徒誦北門章。是以日所奉面。諭寶林菴活首座。至今猶未能物色之。非懶也。上人其幸有恕焉。白鹽一塊。謹獻香積厨下。微物豈足供覽。聊以表遠忱。即撒之空中。以擬六出紛紛。固未若柳絮因風起。然而潔白可愛。不可謂全不類郢曲矣。乃獻芹之意哉。鄙律一篇奉寄。笑擲是幸。春海師無恙。請為致意。

藪子厚

睽違未幾。既不勝三秋之思。加之赭雲覆墊。海氣蒸人。如坐鬱攸中。則又念昔日西澗之遊。不唯其山水不暇應接。探花南林。矢魚北岸。行歌樹杪。坐嘯雲根。於是乎又相與放一葦。平碧潭。任其去留。足下伯潛詩酒相屬。澤生昆季不專墳笈。時顧華生。或和弄玉。山響谷應。清音交發。紅日既沈。繼以朗月。踈柳高槐。影落長堤。淡煙蒼桂。香散連屋。四顧蕭然。漸就歸路。酩酊相扶。善謔互發。徒行三十程。不復知疲倦。噫。此

清思亭集 五
樂也豈可復得。今而思之。祇有夢魂飛越耳。累接
教。并得新詩。諷誦不已。頗解愁悶。至如所諭避暑優
遊之狀。亦何遙想之不當也。不佞非徒炎熱苦患。難
粗備。拙荆善病。脚疼殊劇。綿綿不愈。呻吟發屋。遂不
得已。前月之初。遣俗溫泉。至三日前。乃還。徃反三十
日。中饋無主。乃與子弟親操井臼。拮据之勞。手口卒
瘁。且也寡君奉秋末戍駿城之役。乃命僕從行。當先
趣都邸。列於行伍。則期亦不甚遠。一二行裝。日夜經
營。文章翰墨。邈若山河。方之足下。與諸才子。賦詩論

文歡娛度日。亦何如哉。子厚足下。其憐察焉。而不佞
竣役。期以明年冬。足下西歸。在春夏之交。則可知握
手無期矣。每一念之。不覺涕淚交頤也。來諭又褒賞
豚犬。并蒙幼敏老鈍之戒。可謂善誨。敢不拜命之辱。
亦唯殷監不遠。迺公既為前車。過此已往。時賜鞭笞。
舐犢之私情。不勝區區之至。見惠三絕。和以奉答。聊
訴苦耳。

鳳字說。豈足瀆覽。不敢逆命。聊塞責耳。毛穎二枝。
謹領佳惠。論曾子泉。文辭果不足觀。比芥彥章林。

周助何如。請他日示月且有人。寄示劉文翼集。其
富可觀。但惜和習未盡除。文字錯置者。往往有之。
岡西二家。請為致聲。豚犬甚感高誼。請隻字奉謝。
乃聽其冒瀆。幸筦拈。

秋玉山

室港書并諸佳品奉之。辱愛之至。施及豚犬。將何以
酬報。亦唯父子相與東望遙拜耳。煙瓢竒巧無比。即
盛金絲。日夜愛玩。不敢去懷袖中。鹽場佳篇。可謂絕
妙。永以為家珍。恭惟絳帳晏然。交遊仍舊。欣躍曷勝。

僕今春得三旬休暇。以遊平安。乃以暮春念五發。留
坂城三日。便道經河內。過南都到平安。乃四月初四
日也。舍館已定。即訪子厚。握手相視。驩甚。而亦未嘗
不悵然乎。不於先生傍矣。乃從子厚。驩西成齋父子
及岡千里。風月老人輩。詩酒交會。率無虛日。至十八
日告別。獨子厚則送至坂城。僕復留一日。遂相携遊。
觀戲場。及初更出場。悵然布路。子厚直走貴藩邸。僕
則買舟發。抵家二十有二日也。僕在平安日。嘗與館
主人俱登東寺浮圖。徘徊移時。去望西郊。有徑。遂

行不里餘。至一街口。數株楊柳。裊裊媚人。入數十步。則朱樓華屋。玲瓏宏壯。絃歌四起。幽香芬敷。館主人乃謂僕曰。子不知乎。是仙境也。顧子無仙骨。然非有仙緣者。安得至于此。毋恠。隨予步。遂相携進一洞門。題曰八字樓。館主人曰。是蓋取八卦若八風之義矣。僕乃戲曰。得無非忘却八字之意乎。館主人遽掩僕口曰。子之饒舌。益足以見其無仙骨矣。須更有二三女奴出迎。與館主人序禮畢。導登樓上。一如舊相識。僕於是乎方知館主人者。名已在丹臺玉室中。已而

設宴。籩豆具陳。忽有一女子。年可十七八。進來侍坐。彈黃絃之琴。歌白雲之章。迭勸更酌。而女奴與館主人耳語數。遂去。姑少來報曰。群仙降臨。乃若金母玉妃。素女宓妃。飄焉來萃。盡是神姿清發。容眸流盼。真餐霞侶也。於是乎女奴輩奉玉杯勸之。乃與僕及館主人獻酬一般。終不接一言去。群仙皆然。僕起瞰樓下。黃絹之蓋。紺碧之履。錦袂繡裾。絡繹街上。蓋群仙之步也。青衣女子鼓琴希。鏗爾舍琴。而顧僕語。館主人曰。大官人豈無意於向群仙邪。何不再請。二三女

青思齋集 正統卷之六
奴亦相與謂館主人曰。速使大官人再請焉。然館主人固已信僕無仙骨。以故亦不敢也。洗杯更酌。至五更乃罷去。當此時。僕亦已被酒。乃醉夢中獨語曰。品水樓頭月。北郊街上花。總是不如島原柳。未識何如浪華霞。不知先生以爲如何。書以供一笑。田子善果從其君來。時時接見否。若然。請爲致鄙意。劉文翼春來一二寄信來。想亦尋舊盟。僕則不勝欣羨已。京筆二枝。敬遣聽役文房。咲納是祈。鄙稿一二附上。請正時漸向暑。伏以順候珍攝。

劉文翼

孟春賜去冬報。至六月未得之。雖千里遼絕乎。亦何淹滯之甚也。猶幸不遇殷羨擲水之誕。無亦以足下之威靈遠及邪。春夏之交。不佞遊平安。乃歡藪子厚。因相與商較當今人才。則未嘗不抵掌翩翩哉。文翼也。夫平安之於文學。其由來尚矣。然以今觀之。不及東都之盛遠甚。乃足稱名下果無虛士者。唯岡千里一人。其他彭彭儼儼。要亦春秋無義戰。豈有若足下傑出者哉。鴻不佞瑣瑣碌碌。固無足言。而日親良緣。

青思亭集 正編卷之六 十一
締交足下。可謂厚幸矣。語曰。益者三友。損者三友。博聞強記。才識高明。若足下者。豈不誠益友哉。鴻不敏。不能有一所益於足下。固矣。然亦不欲阿所好。而有損於高明也。是以敢陳鄙意。請幸垂納焉。夫文章之道。多端。談何容易。唯是吾邦文章。別有一種弊。難化難除。雖諸名家間。或不免。何也。因邦語而致語理錯。謬之謂也。是蓋不唯作者自誤。亦受而校者過也。近得佳集初編者。以讀之。左莊班馬。豈復外此。彫龍繡虎。誰能比肩。然亦有一二因邦語而誤者。不亦白璧

微瑕乎。鴻不佞。竊不勝嘆惜之功。來諭云。近有二編上本之舉。可謂盛矣。伏願併初編。手自再校。使無可摘發焉。鴻不佞。懼冒瀆賢明之罪。乃欲默而止。又恐闕責善之道。失忠告之義。故不顧固陋。陳區區如此。對局迷。傍觀覺。請加三思。

祖岳師

聞法旌還。未能走謁。忽辱再顧。而再失迓。負罪不少。悵恨奚極。鴻不佞。與他人別數年。或不一念及。而不見師。僅一兩月。思之不置。或發吟詠。則鴻之於師。固

不能無私。而師歸山猶未數日。特辱再顧。乃師之於
 不佞。亦不可謂無私矣。噫。私乎私乎。要之誰知其私
 之非私乎。不出五六日。必一登山。相視乎丹楓蒼波
 之間。聽玄談以消遣世慮。歌白雪以償昔日題鳳之
 遺憾。淮醫生有意廁坐。無拒之幸甚。鄙絕奉寄。

岡千里

客歲賜報後。闕焉不奉隻字。不恭之甚。其謂之何。然
 時時得藪生信。因併審絳帳無恙。而即君濟美之兆。
 日進月盛者狀。鄙心則安焉。鴻不佞才質駑下。加以

塵冗。見淺聞寡。無所成名。轉眼之間。幾四十矣。東隅
 既失。桑榆無及。乃至若去夏所辱諭盤珪見。宜事實
 不勝顏之赤也。顧念當時夫二子。各於其道也。可謂
 盛矣。然比之先生之今日。亦未知何如。豚犬之託。既
 蒙面諾。今乃遣奉謁。培塿無松柏。兒庸劣類乃父。雖
 偶與令郎同甲乎。大非令郎之比。且以寡君歸藩期。
 在夏五。不得淹留。以蒙高誨。幸得賜一見。待以通家
 末兒。則於分足矣。至長侍函丈。飽奉雅言。請明年以
 為期。鴻不佞近與兒輩較。明人凌穉哲所輯左國臆

詞且補入一二將以授剖劂乃使豚兒攜以供清覽
伏願揮如椽為玄晏則不啻不佞鴻奉賜於今日凌
生亦當躍然于地下矣餘附豚兒口頭

滄州先生靜思亭集正編卷之六終

...以校刊...
伏願...
生亦當...
...則不...
...奉...
...於...
...頭

滄州先生靜思亭集正編卷之六終

